

青浦縣志卷三十

雜記下

遺事

宋高宗批答辭免刑部侍郎衛膚敏詔大字手書元季其七世孫仁近猶藏於家王逢題詩云皇覽賜手詔於昭日月朗大禹舍皋陶欽恤義誰廣巍巍白雲司濯濯金仙掌明宣宗有賜沈度沈粲詩世宗有賜徐階二劄

宋府志

青浦分福泉所轄各鄉保皆在東北在城則以東北兩門隸

之雷貽實話案今縣存印冊邑城附郭皆澱山司轄新涇不合據此知福泉縣所轄在城當有兩區圖矣

吳中五月梅雨過必有大風連日謂之舶趕風至正中夏旱踰月不雨七月二日大風雨華亭青龍鎮海潮逆上漂溺民

青浦縣志

卷二十

雜記
遺事

一

居其田為鹹潮所浸禾苗盡稿山中大木多為所拔鄉人駭

異傳為孟婆怒

顧府志

王洪洲過澱山湖與長柳相接舟人指曰此下有磬砌石壩井欄每過天日澄朗隱隱可矚相傳古由拳縣也及萬歷二年築新城苦無石父老有以舟人言白石侯繼芳者侯遣工下水探之果得巨石無數

魏志

青龍鎮在吳淞之濱南宋時海舶所集有三亭七塔十三寺烟火萬家謂之小杭州韓蘄王出師以前軍駐青龍即其地也舊治既廢今所存不過三四十家惟隆福寺一浮屠屹然尚存每歲三月十五日鄉民瞻禮喧闐數日而已然村農鋤地時得瓦餅以之養花鮮潤不壞猶南宋時犒軍物也人謂

之韓餅

王志

青邑元夕舊無燈火屠公隆作令時多惠政民頗康阜至是始有燈公乘月出游訪布衣錢師周錢畱小酌口占云一入花封地珠燈燦玉樓偶逢仙令坐疑宿古揚州酒罷同步街衢踏月而歸

王志

神山舊名神鼉伏首引尾其形肖鼉是山歲出圓石以爲鼉卵後人鑿其首遂不復出

九峯志

秦時由拳縣始皇出獵改爲長水縣先是童謠云城門有血陷沒爲湖有老嫗聞之每旦往窺城門守者欲縛之嫗白其故得釋後守者殺犬以血塗門嫗明旦又往見血亟去忽大水至淪沒爲谷因名谷水

神異傳

吾鄉財賦之區困於徭役前明編審大役有細布北運南運種種名色賠累不一而足其後止有收兌而破家亡身者十

青浦縣志

卷二十

雜記

遺事

二

之九蓋因兌役一名計費銀一千二百兩稍樸誠者其費益繁始議以主戶充客戶貼大戶充小戶貼及富民詭寄而充者必窮民矣客戶殷實而免脫主戶反赤貧而承值矣後婁縣知縣李公復興力倡均田均役之法請於上臺得允所請於是百年之弊一朝而革至今郡西關外白龍潭有專祠祀之吾邑則與明海忠介及本朝湯文正並祀於南郊其承行均田均役之法者婁邑椽馬天騏字石來歿後四邑共斂錢擇地葬於鍾賈山側示公好也

主志

縣學尊經閣久廢惠來張公庚謀重新之會北鄉有富民某以家事訐訟罰任是役于七月二十日上梁有乩仙題聯云畫棟雕梁挹風景兮東海西山攬雲物兮南箕北斗合東西南北中乾坎艮震巽離坤兌八八六十四處處處人調玉燭

丹楹刻桷卜良辰於己年申月選勝地于亥水寅龍除寅申
己亥外子午卯酉辰戌丑未久久百千萬科科科土卜金甌
其始建也有術者云今日上梁諸方無礙獨不利於官長無
何邑令張公庚果罷官又一術者云建閣後先中必屬犬者
癸西省試錢以朝珂登薦果戊戌生云

王志

錢遵義鶴皋子鶴皋攻復松城徐達調兵來救遵義奉父命
率小舟數十走蘇州欲從張氏求援達遣驍騎衛指揮葛俊
中路邀截慶戰於蓮湖蕩中遵義兵敗死之

王志

孫鏗莒州人商販吳越倭擾松江謁郡守自請輸貲佐軍守
薦之參政翁大立試以雙刀若飛錄爲士兵擊走倭出參政
任環圍中遣人還莒括家貲悉召里兒爲爪牙吳中倚鏗若
長城倭舟渡泖許鏗突出酣戰竟日援兵不至還至石湖橋

青浦縣志

卷二十

雜記

遺事

三

半渡伏兵大起鏗墮水中刃死贈光祿丞錄一子亦建祠祀

王志

佘山宣妙寺佛像極精相傳昔有工來自江右塑諸佛像經
歲方畢後工病僧欲延醫治之工曰我想像擬議神思已竭
今此軀殼安望再生竟死

郭府志

晉左將軍袁崧墓在崧宅村康熙元年有江右人詭知醫結
草軒止於旁夜鑿地道潛通墓穴半月後不告而去居人毀
其室見深入數丈俯瞰黝黑探之得磁碗二古鏡一鏡大五
寸許背有小紐圖五嶽真形翠紋剝落能照數百步外眾爭
取之致相訐訟遂追入官但不知江右人所盜取者何物爾

舊志

小蒸西五六里相傳爲漢濮陽王墓墓旁隙地半畝土人黑

夜每見上有光怪故棄而不治後有老者見青氣自下騰上去土三尺獲古錢萬餘其製不一以鐵條貫之文曰五銖曰半兩曰泉貨當卽墓中所藏也

王志

青龍寺傍有小塔乃宋性空禪師埋骨處康熙四十四年

聖駕南幸賜性空碑額築亭其上

王志

瞿睿夫

鐵網珊瑚作慧夫

善詩爲太史黃潛提學段天祐編修李孝

光外史張雨所推重其之青龍鎮學官也諸名士以詩送之自張雨李孝光外有勾吳沙門善行曲江錢維善陳德永會稽生王冕京兆梁洵呂肅凡八人孝光爲之序其序云予每讀句曲外史所詠送瞿博士上青龍學官詩愛其華婉新麗飄然有仙氣欲口占效之輒困譬學爲頌不之魯不工是時余猶未識瞿君也至見其人魁岸溫偉風致皦然愕曰是稱

青浦縣志

卷二十

雜記

遺事

四

其詩之情者也益慕與之游居頃之授青龍學官將行日與游者及校官大夫士共爲飲餞則屬余爲贈言語云送人以其軒不如送以言言不可已也先聖王設爲庠序之教以厚民性以修人倫以正國俗其仁溥矣猶以爲未足又爲室以聚之所謂家有塾也夫民散處田廬遠于國中而不與入學則爲置塾以徧教之故其人雖身不與禮樂文藝之事固己習聞其論而孝弟忠信之節皆以素講而力行奇衰之行異端之言不入於耳目當是時聖人之教洋溢乎宇內此頌聲所由作而君子所以屢致意焉今青龍不特爲塾庶幾庠序之重蓋千室之聚四民之處秀材出焉卿士安焉於今與州縣並稱慧夫往爲之師宜盡心焉朱子以來扶樹大教修孔子之道人仰之如日月出與俱出入與俱入今家誦戶蓄其

書誠得師爲論繹朱子之說使曉然覺悟功必倍矣吾前舟過青龍河見大屋在北林中有美衣冠三四人徐行過柳下不知何家以今言則學宮也聞學宮有唐宋石刻諸詩詞悉如外史所詠洵可游也慧夫何遲遲至正四年十二月十九

日序

王

潘衷峻震開少負才華爲邑令韓公所賞韓公解任後士民建祠尸祝先生爲祠內一聯云子弟從之如望春風化日先生行矣猶餘流水高山

王

韓公世琦撫吳日嘗微行至青邑偶憇南關見有豪民金某衣服僕從甚都問寺僧具悉姦狀旦至縣治前爲一役人所識時方兩縣官蹒踉跪泥瀟中令拘豪民于皇華亭鞠之公掣杖籤四十至八十令自掣金得八十公笑曰是惡貫滿

青浦縣志

卷二十

雜記

遺事

五

矣卽斃杖下

王

惠來張公去任士民攀轅臥轍填闔罷市其時來摘篆者爲郡司馬百姓訴於其前面赤慚汗不能發一語

王

王夢求宏才績學以明經老子原丁卯戊辰聯捷由知縣內召爲工科給事彈劾要官甚著風節陸從龍方正不阿終於一衿子祖修丁巳己未聯捷由庶常官至御史丁卯監北闈撤棘後破格薦五經卷又請寬場中註誤士子至今賴之朱天瑛嚴毅抗直亦以明經終子衮丙辰進士由中書改官知縣著有政績足徵報施不爽

王

章元澤以至元乙酉卒於家王逢有詩挽之云憶子避地初霖潦船久泊曬書借場圃田峻爲悚愕感公遣使候張具厚非薄及見契一言匣劍砥礪鏑不圖援葭苒遂忘羹藜藿鳴

呼公云亡客淚濺素幙房杜遣後悲榮名挂寥廓考梧溪集詩註逢娶章氏團練使文彬十一世孫女文彬爲文簡得象從父故有葭莩之語逢子掖娶任仁發女孫則公之甥女也

梧溪集

任賢佐字子良少監仁發子官南陵令王逢以詩贈之云儒雅南陵尹歸吳賦遂初畫傳曹幹馬羹煮季鷹魚柳暗凝香閣花交織翠居能令兩童子爲我導行車後賢佐除台州判官逢又贈詩云天香夜染紫烟衣喜氣春連白板扉陶令山中初酒熟劉郎溪上正花飛使臨奎壁新分象民望雲霓幾落暉宜早上官思補過大軍先破汴城圍

梧溪集

青浦縣志

卷二十

雜記

遺事

六

口木落題名鳳山首三柳天低一幅巾五茸露瀉雙餅酒道逢船子歌載過季鷹拍手龜蒙和澗湖慘淡神姑迎魚波鱗鱗鏡光破

同上

衛處士仁近嘗以詩質楊廉夫楊稱其音節直追盛唐所著敬聚齋稿內秋夜曲白苧辭九山宴集等篇尤膾炙人口惜稿散佚無從覓得玉山名勝僅載近體一章

王志

青龍莊肅蓼塘蓄書萬卷至正六年修宋遼金三史詔求遺書許酬以官命危素就其家選取之恐干禁令急焚其書存者無幾後其孫羣玉復載入京冀有所獲迄無遇蓋書之不

幸如此

魏志

明洪武中數遣使者廉察諸仕宦家任勉之令鄱陽時使者至其第茅屋三間父灌園母紡績使者問子何在曰吾令兒

子作清官不欲以脂膏自潤也使者給以客游至鄱有札寄
否因貽書戒之曰天道福善禍淫甚可畏也勿謂己安己治
而懈怠勿謂己能己足而驕矜事聞太祖嘉歎旌異之郭志
邵亨貞復儒子伯宣宣德三年冬爲館人所連謫穎上見復
儒詩序中而錢曲江有次韻伯宣茂才同集伯寅文學雙槐
堂唱和之作伯寅當是伯宣弟惜其名不傳耳復儒乙卯立
秋日客舍紀懷詩有云楚獄囚還繫穀陵骨未收上句指伯
宣下句則詩序所云幼兒克淳沒于濠梁也錢曲江送伯宣
還穎上詩亦有弟沒軍前淚滿衣句殆卽爲伯寅言之松風餘韻
管訥時敏師事楊鐵崖集經丁鶴年論定鶴年謂其詩氣象
雄渾襟懷曠達用事親切措詞淵雅其詠物詩形容精密尤
非筆頭有五色花者不道乃說詩家人選寥寥臥子舒章生

青浦縣志

卷二十

雜記

遺事

七

長五茸知有袁而不知有管抑獨何與

青浦詩傳

俞祠部永與袁海叟陶九成陳達夫陳主客伯仲結詩社其
山居詩有池草生新句禽言得異名倚松招鶴舞冒雨問花
安花底課書嚴隊伍山中吹簫奏笙竽達夫嘗稱之曰俞子
穎秀咄咄逼人元至正間三傳久廢祠部獨沈潛反覆人誚
之曰此書避嫌不談已久五父之衢賣平天冠將誰汝售永
曰經義亦有幸有不幸百年沈晦光怪復生此其時也及江
南甫定乃以春秋舉高第人謂其文如生龍活虎郭府志南
吳舊話錄
方正學孝孺被難時有門人攜其幼子育於松郡冒姓俞得
免其後有名采者字元亮正學八世孫剛毅有志操嘗與婺
士同舟其人道卒采出資裝含殮卒歸其喪後以歲貢生爲

學官屢著直聲

王志

沈學士度初戍雲南有日者談命輒中公造叩焉日者驚曰是當貴顯歷官清要公笑謝見其所設命館字不佳爲易之時都督瞿能鎮滇詢知公書延教其子弟偕入朝復館南楊學士家時成祖方博求善書者學士遂以公薦授翰林典籍自是寵遇日隆

郭府志

沈大理粲度弟少時家貧無紙曰懸腕書壁筆力遂大進嘗宿真武祠下夢神以數印授公公辭復出牙牌一奩擇取其六後以中書舍人歷寺副修撰侍讀庶子大理少卿凡六任皆供奉內廷不履曹局上覽公兄弟書輒歎曰我朝羲獻也致仕後出所賜金營錫老堂於故址日聚親故燕飲其中

王志

錢維慶七歲喪父哀毀如成人兄存善銅賦後期部使者勾攝甚嚴維慶詣使者曰老母之養在兄賦不如期我罪我當

青浦縣志

卷二十

雜記

遺事

八

行存善曰我爲家長不如期當坐我我當行兄弟皆泣其母亦持之泣使者驗籍卒以存善行會赦免時人兩異之

王志

蔣參議性中在都時與于忠肅聯舍會生子賓客致賀卜日會飲及期聞忠肅喪母公曰于公方哭殯而吾召客非人情

也遂罷宴

雲間往哲錄

張廣文璞自號友山居士篤行好學以詩畫名而尤邃於易後爲陳州學正興教救敝風采一新僉曰張先生言不出口何其化人速也張東海嘗言二十年來東吳詩學競以纖穠刻劃爲工惟友山居士自成一家言

松風餘韻

張東海弼祖英爲江右郡守城有兩大樹一賣菽乳者宅之忽夢鳳凰棲其上令人往跡其家方舉一子公奇之抱至公廡覆以所張黃蓋名以鳳來後成進士按江南執子禮見公

惟謹時有賴布衣精青烏術公囑按使訪之賴病顛至松三載竟不擇一地一日語公曰葬地已得在鳳凰山巔點穴之夕夢一冠裳者至云是漢朱買臣以張湯事被誅恐爲怨家發掘連出三十餘喪惟此乃埋骨所公令點穴正臨我棺能讓三尺許當有以報公從之掘地得一碑上有篆云汝宏其德以安世澤既葬卽生東海公遂名汝弼嗣是代以一字爲名

王

志

東海父熊應封兵部郎治家不苟同俗必以嚴勝每謂人曰吾涼薄未能化鄉里吾訓吾家可耳所立家規必飭子孫世守

郭府志

張東海守南安時有方伯某人覲緘紙一篋求公書以餽長安貴人公笑曰吾不能爲傭書也止書四紙餘悉封還東海

青浦縣志

卷二十

雜記

遺事

九

爲兵部郎數以直言忤當路遂出守南安入覲至京謁李文正東陽閻人辭焉公題其几云始知東閣先生貴不放南安太守參拂袖竟去

郭府志江南通志

曹定庵時中分巡黔中所過必題詠郵壁及還復經其處見有屬和者公賞其詞翰訪知爲從行指揮所作旣而其人罪當褫職特釋之及歸指揮餽五百金公曰我惜汝才耳豈有私耶却不受尤喜爲懷素書與吳門沈石田周不識面而詩函往來不絕一夕夢石田坐帷中執手與訣異之不數日訃至公以石田曩所寄詩若干首爲神交集屬顧文僖清序之

雲間人物志

顧宗伯清家居與周北野佩文酒往來無間一日曹公時中過公曰吾讀蘇學士清虛堂詩兩腋習習風舉特邀公和之

公亦躍然曰此際甯可無北野因相與泛小艇詣北野齋各和蘇詩數首畢至夜分始別

王志

張廣文時泰字西洲天性正直不信鬼神禍福常遊邑中見有賽神祈福者輒傾牲酒飲啖之焚其像至今子孫不祀非鬼則公之遺教也臨終援筆自題曰殺鬼數千誰料老來多壽讀書萬卷那知命裏無官擲筆而逝其司鐸秀水時訓士云誦聖哲格言期心事類青天白日遵祖宗遺矩冀人物如

高山大川其後裔每書此作堂聯

王志

薛山顧廷儀佩家生瑞竹一根兩幹曹副使時中詩有種玉一根初出土凌風雙幹欲參天之句廷儀嘗與副使暨諸名士同遊以山高月小水落石出分賦細林諸山廷儀得橫山小赤壁分得落字其詩云壁立天地間鬼斧何年鑿長嘯谷

青浦縣志

卷二十

雜記

遺事

十

風生松暝睡孤鶴花香撲酒懷雲斷護仙閣橫笛不住吹聲撼梅花落蓋亦一時之雋也

同上

周禪字一山方面廣額長鬚細目好讀書有文采告歸後登臨眺詠與顧文僖曹定庵詩篇酬和同里楊博庵家藏書甚富時命小舫往借讀之又好著述善星數學工草書華亭知縣郭如闇嘗題云周主簿禪一掾而攫當路之鷲五毒備嘗九死而昭郡守之冤千鈞係重亦人倫之矯矯者也嘗過南安弔東海先生祠有魂歸東海空埋玉澤被南安欲鑄金之句張裔孫至今摹之墓壁

同上

孫文簡承恩所居之左爲太清道院當路欲舉其地畀公公曰此童時所釣遊也吾不能營葺忍奪之乎又一葬地與公居密邇者皆欲徙去公畱之築墻以障

同上

徐文貞在位時里人有惡王元美者述其譏訕語甚悉公謝曰元美與不佞最厚我不敢信客退公語諸子曰文士輕薄訕人其常也但以此人才藻吾當收之藥籠否則不但譏訕出口吻且入青編矣既吏部將以大計黜元美公力救之又欲遷元美長史公又力止之穆廟登極公首爲元美訟寃力引其兄弟出山於是口語手錄遂無不稷契文貞矣

雲間雜錄

文貞年二十一中嘉靖癸未探花壽八十一及見萬曆癸未

進士陸文定樹聲中嘉靖辛丑會試第一壽九十七及見萬

曆辛丑進士

峯泖毓秀編

七寶徐壽少任俠負氣人忽中傷之正德間一按使過鎮擒

壽將置之法己見石橋十餘處俱鐫壽名歎曰此義士也立

釋之後其孫三重曾孫禎稷皆以進士爲顯官

王志

青浦縣志

卷二十

雜記

遺事

十一

楊應元怡山居楊扇嘗聘朱貞晦教子朱繪圖令造齋舍楊如所教既至塾飲食必偕一日醉後對奕便臥棋局上楊靜坐以待更餘方寤推局而起曰君尚在耶後其子道亨字九華登嘉靖丙辰進士仕至雲南按察司副使

金澤志

陸文定官編修時一日偕眾詣分宜宅盆菊紛列眾爭先致殷勤公遂巡獨後眾問其故公曰恐壓倒陶彭澤爾聞者皆大慙文定以庶吉士起補官見座主張文毅語次問謁內閣有贄乎公謝無有張公言此故事我假若二幣可也公辭之張公曰固哉若遂謂以二幣營官乎吾直以禮不可廢耳公唯唯強持歸明日竟空手見不贄也一日與賓客宴坐忽報兄至急起延之門外相對寒燠不數語輒起去文定不能留也送門外拱立良久去遠方敢進坐客訝曰長公嚴重乃爾

公曰固也憶昔少貧吾兄荷鋤藝宅旁地令我及中丞弟昇
糞俟之良久不至我二人舉一杓淋漓狼藉兄大怒杖之曰
盡如若輩何以償租且書能枵腹讀耶宅旁地猶是我今欲
受兄教如少年時不可復得矣陳府志鄉評
錄西山日記
袁長史福徵忤唐府中貴罷職家居日以詩文自娛常客遊
吳越金陵山水間終歲忘歸與太倉王元美厯下李于鱗並
以文章名王志

周學使思兼生有異質大父尉興國公時六歲從尉所視獄
輒能辨曲直歲時有問遺者循故事未即却公抗言曰此不
當受大父益奇之通籍後知山東平度州多善政治號神明
善書畫欲得者每介所知以縑楮置几案間興至揮灑乃乞
以去有得其畫扇復求題某令扇將以贈之公作色曰是人

青浦縣志

卷二十

雜記

遺事

十二

安可以筆墨相贈耶取扇裂之其峻厲乃此孫裕度字公遠
亦以行誼見重善書畫年八十二而卒子孫羣從能書者甚
多松世說

陸中丞樹德幼從仲兄文定公學食同器寢同牀夜分亦同
燈讀辛丑文定成進士公是年亦遊庠丙午登賢書丁未文
定分校禮闈格不入試乙丑始登第蓋因公車二十年矣初
爲嚴州推官後撫東時周恤民隱精核吏治自奉儉約不異
寒生嘗曰前此諸公悉厚存問卿大夫及過客以博譽吾則
不敢及請告海豐楊太宰魏典銓歎曰吾省幸得一好巡撫
何故言去然竟無有借寇者乞歸後閉戶謝客足跡不入公
府與文定公白首坐對相攜遊峯泖間鄉人比之二疏云雲間

陸氏爲安墩著姓處士子野家有遺貲落拓棄去惟詠詩自娛其詩以骨韻勝大約王孟之流也又雅不欲以詩名隨作隨委去之所存益寡比屬續呼其子應暘歌摩詰詩語無他及若有冥契者

雲間人物志

蔡侍郎汝賢年三十三領鄉薦四十六登第房考李白華夢神呼之曰卷中有賢人在如是者再得之落卷中歷官南京兵部侍郎致仕年六十八配錢淑人未第時早歿終身不設姬侍尤人所難

王志

徐比部三重性至孝嘗恨母戴安人之歿不躬含殮及歸念贈公春秋高遂絕仕進中外薦剡歲數十上不爲之動有八語自識室中一曰室無美姬堂無俊僕案無戲具門無雜賓一曰宅取安人田取給食書取明道器取適用

先進舊聞

青浦縣志

卷二十

雜記

遺事

十三

莫明經是龍工書畫與董宗伯齊名平生喜延寒士有友貧甚以行草一篋助其昏著送春賦書數冊皇甫子循王元美見之均咨賞焉嘗作一畫酷類大癡時徐孟孺彭欽之張伯復俱在座爭欲得之乃各呼盧以卜爲伯復所得家蓄一古琴梅花斷紋聲極洪亮其後臥病拊琴七絃俱絕遂不起

王志

潘大令可大少好讀書工文婁東王文肅公以喪里居可大出所著文求正文肅曰工拙不必言天下豈有作爾許文字而猶不命中者乎果領鄉薦

同上

張宮諭以誠初以選貢廷試歸舟抵徐忽墮水有一僕善泅水救之己漂下數里許竟無恙庚子公車除夕抵蘆溝橋同行四人皆顛天求夢公夢人贈一大盒啟視乃金花一枝及臚唱果符所兆松郡白糧細布諸役守候勒指民不堪擾公

折柬白所司得少減生平不苟言笑惟獎借後進片長薄拉
無不收錄

雲間志畧

陸伯生眞草書法宗顏魯公亦倣歐陽詢詩宗大厯文宗曾
王客游南北十餘年足跡幾半天下其客長安也有詩文名
有狷介名有酒人名所至厯覽名山大川托之詩歌以攄其
牢騷拂鬱之氣

據目抄

范叔子每試不中程式獨宜興萬文泰廣德甯孝廉愛其才
是時宜興令丁君爲子弟卜師因萬言走幣至華亭延叔子
一見遂爲莫逆迨令歸姚江獨延叔子置家塾凡三年然後
歸姚江之士北面受經者鱗集得其指授相繼脫穎而去叔
子衿猶青也上海令顏公高公並嶽嶽強項而皆推重叔子
一往報謁而已他無所請二人益重之

王志

青浦縣志

卷二十

雜記

遺事

十四

何司李三畏以表白邢節婦事拒貴人請置訟者於律遂爲
蜚語所中飄然掛冠越人懷德爭尸祝焉後節婦死有司至
爲建祠歲祀公論益彰及歸遭母喪誓墓不出自爲孝廉以
至解組凡臺察長吏每遇式廬請益輒以地方利弊冤獄剴
切指陳無所撓避人共高之

同上

陳徵君繼儒與徐益孫結隱於小崑山爲人重然諾饒智畧
婁東四王公雅重之董尙書久居詞垣書畫妙天下推仲醅
不去口徵君年未三十棄諸生家居養親或謂其父廉石翁
令子固得矣養親不辦梁肉何得云孝翁謝曰我起坐間時
見兒子形影從此婆娑里社雖啜菽飲水便當樂死復何敢
涎人牲鼎間味園中大石是松樹所化其半猶帶松皮徵君
歿後諸進士嗣郢題其祠聯云假使先生位卿相言千鍾到

此亦爲黃土何如友煙霞擁萬卷至今獨有青山上同

李太僕世祺崇禎 居諫垣劾首輔溫體仁落職後復起官

冏卿先是公父諫以孝廉爲敘州守後公姪淑領天啟丁卯

鄉薦淑子樞 本朝順治丁酉亦登鄉榜故榜其居曰四世

科甲上同

潘廷玉由上海遷居唐行鎮負異才兩中副車天順四年舉

鄉飲大賓年九十九 欽旌建坊潘氏家譜案潘氏裔報云字廷玉諱佚其上半下

存心字與上海恭定恩昆弟行今以字行

陳黃門子龍年十八始交同郡夏彝仲允彝周勒卣立勳宋

子建存標尚木徵璧彭燕又賓朱宗遠灝十九交陳眉公繼

儒董元宰其昌膠城侯豫瞻峒曾武塘錢彥林旃兄弟二十

交婁江張受先采張天如溥吳門楊維斗廷樞徐九一汧姚

青浦縣志

卷二十

雜記

遺事

十五

孟長希孟魏仲雪浣初龔淵孟立本文湛揚震孟二十一見

艾千子南英於婁江之弇園抗論折之二十三省試出京山

鄭友元之門游京師與吳鹿友姓許霞城譽卿楊伯祥廷麟

善會試出漳浦黃石齋道周之門又周旋瞿式耜告密之難

司李紹興識劉念臺宗周倪鴻賓元潞諸公其督運至南郊

爲史閣部可法所重蓋師友淵源本末如此王志

沈進士泓以其母早年守節徧求名人題詠積有一笥遇盜

劫去泓號泣不欲生榜於途備述顛末後陳徵君繼儒於余

山呂公祠得一包啟之則所詠不失片楮泓後避亂居紹興

祝髮於東山寺其童阿寅亦出家爲師徒焉客譜偶鈔

沈文恪荃少貧每赴試惟一弟攜襍被以從通籍後飲食服

御必與弟均友愛三十年人兩賢之王志

曹魯元思邈年少雋才輕財好客人人願與結交一日燕集堂中有迦楠天然几一香氣觸人諸公摩挲賞歎宴畢魯元令踞開人贈一方其豪邁如此又嘗往候王農山廣心其子鴻緒時官翰林頊齡已爲御史中丞王命以父執禮見魯元岸然不少假借同上

蔡文炳字惠涵順治甲午省試以後至難覓居停欲附居同社張畹九寓中張力辭鄰有老嫗屋僅數椽見其固拒遂招之往謂曰吾昨夢紅日入吾門公其是耶今歲當必捷惠涵時患痢扶病入場比至號痢竟止明日揮灑自如出闈時未丙夜也呼酒自酌卽伸楮錄首三藝微聞門外鬼聲文炳曰如是我祖預來示兆當再作聲果然乃大喜及明張出讀其文大驚榜發蔡果中式王志

青浦縣志

卷二十

雜記

遺事

十六

潘岷字孝陟諸生才質敏慧幼時卽根柢於經史爲太倉張西銘同郡夏瑗公賞識性喜購書斷簡殘編必搜羅校正嘗於客館拒奔女老僕能道之岷終秘勿言應試南都時路有遺金拾返故主又嘗歲暮歸家聞村中哭聲甚哀詢之知將鬻妻完官賦岷傾囊金半鎰與之子孫累世承家學綿綿弗替說者謂忠厚之報潘氏家譜

王以禎居紫隄村南少慷慨讀書擊劍與里中少年臂鷹牽犬馳騁爲樂豪民某以素叢眾怨羣毆斃之事連以禎遇赦免自是扁舟鄉郭不復爲任俠行家業亦圯猶與朋輩爲文酒會年六十餘卒狀貌常若三十許人王志

唐士恂子恪館徐尙書乾學家省試時有以關節贈者輒盛怒曰吾豈不能立致青雲耶却之不受嵩少集

潘恂如字言藪府學廩生自幼穎異好讀書過目成誦安貧樂善北平劉公宰青邑聘入署教讀後劉令調篆青田有假恂如之名而厚得賄者恂如知之不與較且於劉公前稱道情誼居常無擔石遇知己不能炊則分半與之其度量大率

如此

潘氏家譜

王原爲銅仁令時入闈分校首題爲邇之事父三句一日方閱卷聞鄰房有拍案大呵爲不通者因往索其卷觀之則以倫物屬對竟作二扇格故也原從容語令曰格奇而法古名魁往往有之此卷似宜詳察令大愠舉筆抹之原因攜歸洗去抹痕薦之主司爲婁東王太史右棻拔置第二

王志

王天祥浙人遷居泖濱家頗饒好爲善事常以木棉米麥貸里中貧不能償者仍與之人盡稱其長厚康熙四十一年有

青浦縣志

卷二十

雜記

遺事

十七

客船爲盜所劫聞於官分遣捕役邏緝適天祥所駕船與盜船似捕役遂往執之拷訊不服里黨深爲不平諸生朱本沈驪等呈請郡縣力辨其誣而其妻已爲捕人羅織以死時方六月屍不臭腐人共奇之會其女哭訴臺使發郡守董公鞫訊始得實諸捕人皆抵罪遣戍天祥以釋

同上

潘斐君陸蕤諸生自少敏慧工文章富著作好爲詩辭蒔花種竹左琴右書遇富貴人夷然有若不屑者

潘氏家譜

潘佩山履祥歲貢生品行高潔專精古文子士洪增廣生熟參經史名重於時孫綬歲貢生綸歲貢生兄弟交勉學成行立及門並多名士

同上

潘金支原名人龍諸生工詩在許學使幕中襄辦筆墨深得士心遊歷三秦名重一時

同上

潘徵蘭友蓀諸生立品簡潔精參易理工古文善詩詞弟義
耘諸生品純學博工書法及詩賦同上

潘以潤小容諸生講學授徒循循善誘教必盡誠里中共推
名師從弟以殷諸生家貧苦志攻書潛心著作生平竭力事
親扶二弱弟成立友愛盡誠晚年以二弟殉難鬱鬱而卒同上

郭鴻磐寶石諸生工書嗜學南門外武聖宮圯鴻磐募捐修
理獨任其事又舉頤正堂文會栽培寒素慷慨好施與臨歿
時取借券纍纍悉付諸火子宗泰字望林諸生爲人廉直道
光二十九年水災時袖粥票給道旁飢者童試卷結向由禮
房備納索費不一貧者苦之宗泰稟縣申詳立案嗣後悉歸
公辦寒儒賴焉粵匪擾後邑建昭忠祠宗泰將舊有與善堂
改之春秋並祀以妥忠靈晚年無疾而逝郭氏家譜

青浦縣志

卷二十

雜記

遺事

十八

潘雲垂秉性仁厚工書善鐵筆有學慎堂印譜精醫時人重
之子崑璧邑諸生亦善鐵筆學宮尚存碑記潘氏家譜
沈庶績葺國子生工書善畫精鐵筆兼嫺吟詠愛栽花卉熟
於歧黃時人以良醫稱中丞韓文綺有靈素眞傳額著有內
科證治女科決微眼科鏡緣行世

楊鐵崖自稱鐵笛道人其自傳云洞庭湖中冶人緱氏子嘗
掘地得古莫邪鎔爲鐵葉筒之長二尺有九寸竅有九進於
道人道人吹之皆應律常倚笛歌曰小江秋大江秋美人不
來生遠愁吹笛海西流聞道人名者多載酒詣道人道人出
笛間一弄其聲遏雲裂帛鳴鳴然猶環繞九峰三泖間也郭府志

志

唐順之荆川臥疴泖上陸處士郊訪之見榻上一褥又薄而

敝因贈以新者公笑曰子野破我儉陋矣

王志

顧太守英草堂遺稿陸文裕嘗誦其佳句有雖憂地險難為
客且喜官閒好讀書竹林斜日聽啼鳥苔徑東風數落花吸
殘金露難消渴種得荷錢不濟貧等句今集亡之蓋多散佚
所存止此

陳府志

徐副使禎稷入蜀後詩尤深婉瀟洒出塵其未刻詩有荆華

館草白雲草望華亭草皆自作小序屬陸古塘訂定

小長蘆詩話松

風餘韻

何司李三畏生平富於著述所撰雲間志畧一書廣見博聞
可備一郡文獻至登臨遊讌之篇高情逸致恍於行閒遇之

松風餘韻

蔣原祁京少撰瑤華集所采青邑之能詞者陳子龍陸振芬

青浦縣志

卷二十

雜記

遺事

十九

張彥之田茂遇張淵懿張集張豫章陸祖琳陶爾穉董黃周
綸共十一人然惟載子龍幽蘭詞湘真詞茂遇綠冰詞祖琳
澹香詞其餘皆無集名錄一二闕而已至施紹莘選其詞不
載其人以此例之疎漏當復不少

王志

宋咸平初趙屯村漁婦李氏張醫河上得龜如錢其色玉瑩
電眸朱尾宮畫燦然放河中夜見岸火熒熒趙視之龜在焉
縣令李維上於郡守陳省華省華具表以聞張君房曰按瑞
應圖千歲龜巢蓮葉上其出也將以應千歲之運乎且白西
方色也龜歸也豈西裔懷歸乎明年朔方叛帥李繼遷貢馬
其秋試進士詩以白龜為題

郭府志

元至正間松郡久旱嘉興沈雷伯善符籙謂雨可立致結壇
仙鶴觀久而不效乃請彭真人素雲禱之素雲與郡邑諸司

齋戒三日詣壇焚表章晡時大雨如注枯苗復生郡守靜海
李公作神雨行記其事按守令題名至正間無郡守姓李者
惟李也先不花於至順三年知松江府亦非靜海人俟考王
曹雲西善山水王逢題其畫云世治多福人時危多貴人貴
人乃鬼朴福人真天民緬憶曹雲西生死太平辰高秋下孤
鶴想見美風神菀菀露櫺間幽幽水石濱槳打甫里船角墊
林宗巾往訪趙松雪滿載九峯春斯圖作何年援筆爲嘅呻
池廢餘野鶴井深搖青蘋氣韻瀟灑不特肖其畫卽胸次亦
可想見九峰春青邑酒名同上
福泉山道士薛冷雲畜犬名託寬每出必隨後冷雲墮水死
犬歸銜其徒衣裾尋至死所亦自沈人稱爲義犬魏志
盛肇居青龍勝果寺前好食牛與陳某友善陳遣僕約旦會

青浦縣志

卷二十

雜記

遺事

二十

食視其簡乃一勻碧箋內書云六畜皆前業惟牛最苦辛君
看橫死者盡是食牛人肇大驚呼僕不見詢陳亦無遣僕事
自是遂相戒不食牛同上

章生失其名青龍人善作墨有古法其家製墨聚烟列盃三
十餘至夕掃煤器無一存者詰旦尋訪乃在主翁閨中煤皆
成花其一爲壽星長松覆之玉女在傍舞鶴靈芝宛如善繪
者所作二爲牡丹三爲禽魚餘爲荔支胡桃棗杏梨栗咸具
其家以爲瑞鬼董

七寶徐天爵好善奉三元神甚虔正德元年往蘇羅麥歸至
泖中忽遇龍下湖水飛立聲如萬車船隨而上船中人皆見
泖塔在船下數丈天爵懼惟誦三元經不輟須臾水退船平

麥亦無恙

五茸
志逸

王振鵬元世祖時人善詩畫仁宗賜號孤雲處士有蜻蜓畫
卷題詩云露涼芳草晚風吹紗翼輕明水影欹莫便臨平山
下去眼睛雙眩碧琉璃張璞和詩云翠華銷盡厲焱吹四翼
低飛兩眼欹秋去藕花搖落久也愁點碎碧琉璃

王志

趙信字思樓唐行鎮人好施與冬日雪見門前泊一小舟一
少年號寒趙訊之知爲浙江諸生欲歸雪阻趙延入欵之三
日厚贈而別不相聞者二十年後趙因役累遣戍投批軍門
卽問曰既是上海人相近唐行鎮否趙曰某卽是鎮人又問
曰此鎮有趙思樓還在否趙驚悚伏地曰某卽是也乃備道
前故厚加周恤准殘疾不堪操練例回籍隆慶初趙尙在
彭應麟魯谿袁與山友也與山子福徵年八歲常侍側自稱
小相公彭因試對曰願爲小相卽答曰竊比老彭又見其書

青浦縣志

卷二十

雜記

遺事

二十一

腦碎曰書腦經年葉落爲甚風霜答曰燈心徹夜花開因何
雨露彭大稱賞以女字之後翁壻同登嘉靖甲辰進士

白醉
了閒

嘉靖時雷煦號雷峯以尙書教授善臨池董宗伯陳徵君亦

雅重之

王志

孫太守克宏正書做宋克尤工八分畫山水學馬遠花鳥似
徐熙趙昌又善以水墨寫生及竹石蘭草無不臻妙其做米
氏雲山作仙釋象世尤寶之

同上

張朗希周性孤介家貧以醫自給常棲息僧舍能詩善行楷
書好蛩吟自名其館爲鳴秋有蟋蟀詩百首

同上

白鶴江一老者失其姓氏好施予以靛染爲業每日早起必
先呼家人羣起力作家素不畜犬一日晨啟有黑犬銜衣曳
入如是者三心疑之乃闔門集染工執器械以待頃之門闢

見一赤蛇大於椀昂首徑入腹尾尚數十盤一工提鐵鎚擊其首眾奮力斃之求向黑犬所在倏無蹤矣同上

迎寇錢奎者多力善舞刀聚眾剽劫橫行湖泖間自云錢鏐之後二省合兵會捕圍之泗涇奎與妻各持刀格鬪力竭就縛械至江甯梟於市餘黨始平同上

崇禎季年珠街鎮李八招致任俠有翁二者力敵百人冬月服單袷或赤體臥冰上又有仲二者亦勇悍遇惡少輒以鐵械擊之能耐數搥卽拉入爲黨其後嘗與一尤姓者相毆翁仲俱爲所縛持上體以下體擲橋上許其號呼卽免至死不稍吐強毅殆不減石乞也同上

青邑曹氏收周文矩唐宮春曉圖絹本著色全師周景元凡爲人大小八十有一器具無算似橐本後有張淡巖澂跋尾

青浦縣志

卷二十

雜記

遺事

二十二

乃紹興庚申歲筆也

同上

施陶成好奇計鼎革時與里人結鄉兵爲捍禦計旣以糧餉不繼眾亦潰散有戚陳某居某鎮頗殷富施往說之曰適從城中來道路竊竊偶語謂君以重利剝鄉民無不切齒乘此亂離王法不能及擬相聚焚劫君之室廬君能無重慮乎陳悚然曰爲之奈何施曰某有一策可轉禍爲福君能聽之否陳曰願奉教施曰君自度君之家奴並號召各佃可得二三百人乎曰然曰君自度君之窖粟日食二三百人可支一二年乎曰亦不乏也施曰然則以君之靈倡率忠義團聚鄉人隱以自衛而徐觀蚌鷁之勢以決向背之機進可以佐命封侯退亦不失富貴不愈于坐而待死乎陳大喜卽出綵繪製旗幟易冶鐵治戈戟矛盾之屬集里中無賴少年及佃田各

戶相與歃血盟神舉義旅推陳爲盟主聽約束而拜施爲參謀事無大小咸取決焉陳本牧奴無大志旣集多人遂將爲報復擄掠之計以查獲奸細爲名遣兵分道四出遇有輜重卽劫之一日獲一舟乃紹興儒生挈妻館於黃渡時黃渡亦練鄉兵以儒生爲謀士生念烏合不足依謀竄歸道經其地爲所獲施得實勸陳放歸而陳見其妻女皆有姿令閉一室越三日黃渡使二人投書願贖某施從旁愆怒之陳不得已許於三日後以舟來迎旣悔之乃命施他往陰令數卒伺于路盡殺來使焚其舟施歸乃告之施驚曰然則敵兵至矣因爲定策度將至伏兵蘆葦中乘其半渡出其不意擊之百餘人殲其什七餘悉遁歸施謂是役後彼必悉眾來敵宜多方戒備而陳狃于一勝不復爲意又荒耽酒色施言甚力卒不

青浦縣志

卷二十

雜記

遺事

二十二

納施度陳必敗易冠服遁去黃渡果駕三四十船圍之陳方擁新嬖醉不能起眾亦倉猝不能覓甲杖以手共搏盡爲所殺後 本朝兵破城有某官寓三元寺聞讀書聲召問之卽施也與語甚洽因署嘉定令許以至省卽給劄付上任而施之父懼禍及朝夕顓天願其事不諧後某官至毘陵疽發背

死事果不效而施竟以布衣終

王 志 參
黃 渡 志

青邑城隍神爲明方伯上海沈公恩清風直節彪炳郡乘歿爲明神靈爽丕著有蘇人以藩掾來提餉者游于寢宮頗加媿慢是夜忽哀號叩首遍身杖痕其從者亟命舟載歸未及

家卽死

王 志

順治九年泖濱人于古塚中見巨蛛如箕大驚以挺擊之腹破獲一珠大於龍眼夜置暗室光明達曙一富家以穀數斛

易去後不知所之同上

柘澤廟右觀音庵有石長二尺許石理作老梅一株枝幹盤曲儼如圖繪相傳昔年春初開花入夏放葉細審可辨至秋冬惟存枝幹矣後有進香者誤以楮帛焚石上遂不復吐花生葉同上

柘澤橋楊侯廟最著靈異順治十一年濟南韓公理爲松蘿司理道經廟側見巨舫中一人烏紗絳袍侍衛嚴肅舉手相揖少頃一青衣吏率蓬首婦人直入案前語久之左右皆不見蓋韓於家居時枉死一孀婦卽其人也心悸疾作不數日而卒同上

金澤頤浩寺乃宋元古剎殿宇壯麗後廢於火相傳明季有一士子於羅漢堂讀書夜聞壁間有聲如鼠銜物者燭之見

青浦縣志

卷二十

雜記

遺事

二十四

一紙從羅漢背拖出乃趙文明所書金剛經也因探手佛腹其五臟比白金約重五六兩許明日持經往吳中售之得二十金還至寺盡鑿十八應真之背一一括取舟歸遇盜劫去其人亦被創出腸而死金澤志

虞山許某寫蠅頭細楷華嚴經作一寶塔塔九級凡九卷爲一級其中雕欄曲檻層各異製備極精巧遇佛字悉綴于每級簷前順文而書無少舛錯歷三年始成婁東王奉常烟客捐百金寫一座供於鄧尉青邑黃亦山亦供一座於優曇禪院凡瞻禮者無不歎爲稀有王志

邑城火災未有如康熙三十二年十二月二十日之甚者太平橋北有業銅者以鎔銅致火時因久旱百物燥烈遇火卽熾橫衝南北延燒數十家雖日午無能撲滅者此地爲青溪

孔道百貨所萃商賈畢集自後物力益凋敝矣同上

邑西巨浸以薛澱為最次則蓮湖俗稱為練湖非是此湖水底生石蓮花大如錢細瓣紅色遇大風潮激盪根株漂泊灘岸始得一見故知者絕少金澤志

張德純能一善筆錄晷刻之間成詩數首雖險韻無不立就袁孝廉心友嘗以扇頭杏花索題限董腫捧哄懂為韻即援筆大書曰雪巖雲竇仙家董春林萬樹和烟腫豔色休教蝶使猜清芬莫訝蜂王捧園開綠堊錦爭圍根倚碧雲傳未哄宴罷歸來插滿頭書生本相人須懂雖鬼才何以加此王志

補遺

青浦縣距江甯府兩江總督駐緯度南五十五分二十秒經度偏

東二度五分距蘇州府江蘇巡撫駐緯南十三分偏東二十二分

青浦縣志

卷二十

雜記

補遺

二十五

距上海縣蘇松太巡道駐緯北四十秒偏西二十二分距松江府知府駐

緯北九分四十秒偏西四分揣籥小錄

宋府志云縣管六鄉九保區五十有二圖二百一十有三王

志圖共二百一十九今併減二圖凡二百十有七案六鄉據舊分時言

其云九保圖二百一十有三誤

宋咸淳七年土人掘地得壙石刻曰唐新豐鄉見天下名山

志明龔宏云今黃渡稱之黃渡志

澱山寺有沈從言捨田碑云田在華亭縣修竹鄉四十三都

修竹鄉在青浦縣西而不詳四十三都惟志載修竹鄉分中

鄉上鄉內有華上鄉四十三保三區分五圖曰三圖七圖九

圖十一圖十五圖而七圖內有澱山小圩胡家帶朱家村北

夏村疑所謂澱山小圩朱家村即今珠街鎮澱山在華上鄉

卽舊時修竹鄉沈氏捐田近澱山俾便收穫也金石萃編

萃編又云沈氏所居泖川鄉瀕臨澱湖今地名萬圩相傳卽

萬三遺跡流俗傳聞不若碑之有據案碑云崑山縣泖川鄉大石浦西疑泖川屬崑

近今石浦然王司寇必有所據故附此

和睦橋市在三十四保二區四五圖

七匯市在四十六保四區九圖

香花橋市在四十六保二區八圖

古人冠而後字斯禮久廢今泖濱農家弱冠後爲酒食邀里

中士人命字召鄉黨食之謂之慶號尚有古意沈巷志

救火之器水龍火撓水斗齊備聞警則同患相恤奮身不顧

雖烈日寒宵無畏縮者每歲六月二十三日祀火神後演試

水龍以察破壘原註云救火之器古惟水袋唧筒上海唐氏

青浦縣志

卷二十

雜記 補遺

二十六

自順治初得之倭人而傳水龍之製見滬城備攷黃渡志

俗以芒種後爲入梅十五日爲入黓迎梅送梅多雨頭黓七

日中黓五日末黓三日忌問疾及土木浣濯之事或云芒種

後遇壬入梅夏至後遇庚出梅雷電謂之斷梅沈巷志云三

於古惟王司寇青浦志載黃梅後三日爲頭黓又五日爲中黓又七日爲末黓與里老所傳異姑志所聞以徵土俗

黃之雋唐堂集謂反切之妙方言之無字者可切音以出之

曩有切吾鄉奈何二字爲奴向亨向者極醒然上一字作奴

響切尤肖因旁推之呼母曰滿加切訶人曰亨加切人有言

而不然之詞曰烏登切推類甚多重編輯 溪編 貞

金澤鎮多蕭山人開哺坊收取雞鴨鵝卵用火炙之不匝月

成破殼而出其未出殼者名喜蛋亦曰混蛋椒桂煎熬味甚

鮮美方回詩所云秀州門外鴨餛飩是也朱彞尊有鴨餛飩

詩金澤志

以上疆域

邑南水關本寬濶康熙甲午知縣洪亮采以形家言量為收小雍正乙巳邑中有開東城水門塞南水門之議王給諫原以為不可而罷其與人書謂邑城甚小聚氣微塞東門所以聚縣治之氣使之不易洩改作非也原議與洪說前後可以

相證王志參明齋小識

舊青浦城圍以土垣而城堞麗譙未備李世祺碑記

縣署光緒五年九月開工興建

縣丞署嘉慶時四川黃文華蒞任出俸集資在七寶鎮南街建屋三進大堂後為內宅額曰貽清堂後有樓粵匪亂時廢元江青分防縣丞署在章練塘鎮東市下塘元和境道光二十八年建

青浦縣志

卷二十

雜記

補遺

二十七

嘉上青巡檢司署在諸翟鎮嘉定界乾隆三十年建

金澤稅課局明洪武七年建正統初革今無考金澤志

市舶提舉司元初設駐黃渡鎮轄番夷閩粵海舶明洪武時

以番夷不宜導入內地詔改設於定海黃渡志

太平倉址相傳為戚武襄丙舍又謂戚公舊宅世遠無考明齋

小識

雍正十年巡撫喬世臣奏定常平倉均儲穀數大縣三萬石中縣二萬石小縣一萬六千石或動帑採買或截漕撥儲以足額數時福泉分治邑為中縣儲穀二萬石乾隆七年奉上諭常平倉穀每年存七糶三原為出陳易新亦便青黃不接之時民間得以接濟當尋常無事之際自然循例辦理若值荒歉穀價昂貴小民艱於謀食仍復存七糶三則閭閻得

穀幾何大非國家發粟平糶之本意也嗣後凡遇災歉米貴之年著該督撫卽飭地方官多出倉儲減價平糶務期有濟民食毋得拘泥成例著該部卽行文各省督撫知之又定制地方歉收於城鄉八方多設廠所將米穀運糶職官分頭監視并照乾隆元年議準署兵部侍郎王士俊所奏將價值大加酌減不拘存七糶三之例至市價不昂不過循例易新聽州縣公平出糶或稍爲減價若衿監牙圍倉書丁役串通捏買嚴加查察令貧民各齎保甲門牌驗糶每戶二斗爲率十一年戶部議定新收倉穀每年每石銷耗三升三年之後穀性已定不準再銷十四年署蘇撫雅爾哈善奏各州縣均儲穀石應悉如原定額數無須添儲更改應添穀石額穀內有福泉縣歸并青浦減除穀二萬石除青浦縣陞作大縣應添

青浦縣志

卷二十

雜記

補遺

二十八

穀一萬石尚溢額穀一萬石分派海州贛榆二州縣各半添儲其海贛二州縣撥運腳費卽將福泉縣減除穀石按數出糶提價解司由司撥交該州縣領回於秋成價平時酌量採買儲倉以符足額嘉慶九年水災照存七糶三之例詳准碾糶倉穀七千餘石道光三年水災知縣李宗穎詳准照歲歉價昂逾額平糶之例實動碾穀一萬五百四十九石六斗八升每升實糶錢二十四文每戶以糶米三升爲率不許多買并將錢文遵例儲庫俟秋成後糧價平減買補歸倉二十九

年水災平糶倉穀一千石咸豐十年粵逆入城掠毀無存社倉建于乾隆初在城黃渡七寶金澤珠里各設一社每社選舉正副長各一人專司出納

案王志載在城黃渡珠里三倉而七寶金澤未載今據宋

府志
補

嘉慶四年奉

上諭社倉原係本地殷實之戶好義蠲輸以備借給貧民之用近來官為經理大半皆藉挪移日久竝不歸欵設有存餘管理之首事與胥吏從中盜賣倘遇歉歲顆粒全無致殷實之戶不樂蠲輸老成之首事不願承辦是向來良法徒為官吏侵肥應一律查禁著督撫將社倉仍聽本地殷富擇謹厚者自行辦理不必官吏經手以杜弊竇而裕民食該督撫務須董飭所屬實力奉行所有前項弊端即行據實參奏倘仍視為具文復蹈前轍一經訪聞或被科道參奏必將該督撫從重治罪將此通諭知之

案府志載應存本息穀二千二百一十七石六斗一合則非實積可

見矣道光時已無考

豐備倉於光緒四年提存典錢增建倉廩五十八間續買新

青浦縣志

卷二十

雜記

補遺

二十九

穀一萬三千九十七石七斗連前儲陳穀共存穀五萬一千八百二十石一合是年冬漕帶捐積穀共收錢一萬五千八百五十四千九百六十七文除交董具領支用建廩及買新地置圍牆廩內鋪板等費外發存各典錢一萬四千連前提用贖欵實存本錢穀欵一萬六千千文米欵七千五百二十二千六百七十四文常年一分起息存息錢米欵一千九百九千五百四十九文常年七厘起息

五年九月報卷

藉田四畝九分在

先農壇南

五十保四區

歲仲春

或春季

吉

亥致祭先農之日禮畢詣藉田知縣右秉耒左執鞭進耕佐貳執箱播種耆老一人牽黝牛農夫二人扶犁九推九反農夫終畝事畢各官率耆老農夫望闕行禮農具用赤色箱青色種視土所宜年終農夫收米穀儲縣以供秩祀粢盛是

禮始于

國朝雍正五年案王志謂萬曆元年建先農壇似失考

芒神祠舊在縣土地祠內每歲立春前一日迎春東郊吏設

案於芒神春牛前知縣率屬行禮禮畢鼓樂前導迎入城置

祠立春時各官執采杖環立樂工擊鼓擊土牛三迺各退

周氏宗祠明天啟間周賓禮建在三十三保一區五圖黃渡志

陸氏宗祠 國朝康熙間陸復恆建在三十三保一區一圖

一在南鎮橫街乾隆五年陸名時建名時祠記 一在南鎮西市

外乾隆二十七年陸錫齡建黃渡志

許氏家祠在金澤西歸橋北康熙間許君亮建金澤志

許氏宗祠在北沈浜嘉慶十一年許永熙節祭產餘租建金澤志

志

青浦縣志

卷二十

雜記

補遺

三十

俞氏家祠在俞家浜道光六年俞銳積累年族人資建金澤志

瑯琊宗祠在登瀛橋東同治間諸標建

神功並峙坊在邑城隍廟轅門外東西各一明崇禎未建今

存

陳良珊進士坊在西印涇今石柱猶存舊志作廣富林誤

養濟院光緒四年重建

涼亭一在方家窰鎮西方貞女建以息行人一在北關外茶

庵旁今俱廢 以上建置

簞山別支 華潮圓通庵竹院後有石出土廣丈餘高二尺

或言此為簞山之麓近時僧人覆以土如阜石不復見黃渡志

椒花山在三十五保一區一圖黃字圩高僅尺許下皆青石

上多野椒故名山北有水名山涇西接竿墓涇

湖泖之水皆發源太湖故每風自西北來則水患暴溢治水者惟濬吳淞江入海濬白茅以入大江太湖之勢分則松無水患夏忠靖公嘗試之矣正德辛巳冬李司空充嗣復濬二水動三郡之衆費巨萬當時頗有誚者後十餘年雖雨浹旬而無大患皆其力也司空四川內江人

淞故述

靈樞歲露篇月滿則海水西盛月郭空則海水東盛抱朴子海濤噓吸隨月消長潮者據朝來也汐者據夕至也月之精生水故月盛則潮大從其類也明張寅海潮論云潮汐者海之喘息也氣有盈虛消息則潮有往來大小氣候不齊故潮汐時候不一每半月省潮一次以應月之盈虧故月大則五十八潮月小則五十六潮潮之漲退海非有增減蓋月之所臨水往從之月臨卯酉則水漲乎東西月臨子午則潮平平

青浦縣志

卷二十

雜記

補遺

三十一

南北彼竭此盈往來不絕皆繫于月夫晝夜之運日東行一度月行十三度有奇故太陰西沒之期常緩于日三刻有奇潮之日緩其期率亦如是自朔至望常緩一夜潮自望而晦復緩一晝潮朔望前後月行差疾故晦前三日潮勢長期後三日潮勢大望亦如之月弦之際其行差遲故潮之去來亦合沓不盡盈虛消息一之于月陰陽之所以分也夫春夏晝潮常大秋冬夜潮常大蓋春爲陽中秋爲陰中歲之有春秋猶月之有朔望也故潮之極漲常在春秋之中潮之極大常在朔望之後此又天地之常數也吾邑潮候吳淞江泖湖爲大皆遲于上海大汛潮至繫纜不謹每有傾覆之患攷宋元以來潮候官嘗榜於亭以便行旅今特補錄便推測焉

宋府志參

九月復諭飭各圖董保務令於播種春花時傍岸留得二尺以爲築圩幫寬之計業主卽於今冬應收租米內每畝減讓二升以作修築之資并刊邑人孫耕遠築圩圖說發照舉辦十一月紳董俞拜言等以圩岸工程有大小輕重之別酌擬條呈參用計工貼食法每工貼食二升由經董地保給票向業領取其通圩田佃中有田少工多田多工少者除業給外彼此價帖辛力飯食一百三十文九年正月復曉諭各畝有修築之圩不必開溝者每畝給米一升至上年未經興築之圩本年創舉者每畝給米二升如有應開漚沼之圩人工多費者每畝給米三升三月蘇撫丁日昌飭書局重刻築圩圖說札發各屬遵辦至四月呈報各鄉圩岸修築完竣嗣後官斯土者每屆春冬照章諭飭續辦增修

青浦縣志

卷二十

雜記

補遺

三十三

同治十年二月知縣錢寶傳開濬葑蕀塘山涇港趙屯浦三處統共挑土六千八百二十八方八分六厘每方給錢一百八十文其出土遠者每方酌加錢九十文共支銷錢二千一百七十八千四百十四文 以上山川

同治十一年免同治六年以前民欠錢糧

光緒元年免同治十年以前民欠錢糧

青浦爲有漕之邑其蕩塗之輕額者得免重累故別田而復

列蕩

黃渡志

海潮衝刷之弊有前人所未及言者今青浦境之施家浜口孟涇灣西岸嘉定境之七家邨前三處坍塌之岸不下百畝而七家邨爲最江形爲之西徙自道光七年冬開濬吳淞橫裂尤甚其對岸侵占沙灘竟以未升科獲利而無田存賦之

戶勢蹙難堪日甚一日賠累伊何底止查青浦於乾隆十五年及三十一年兩次豁免坍荒一百五十餘頃而以沿海新漲沙塗概歸蘆課以漲補坍 國朝定例五年一丈遞爲增減誠良法也錄此以俟長民者之加意焉

黃渡志

卓志賦法云青浦縣額徵平米貳拾貳萬捌千玖拾石伍斗貳升叁合玖勺肆抄肆撮柒圭伍粟內因三十三保之一區三十四保之一二三四區三十五保之一二區三十八保之二三區四十六保之一區等區土田礮瘠誤入上中二鄉遂定爲改折之例免其兌運每石止折銀肆錢萬厯十六年量復肆錢伍分十七年議一概折銀伍錢共計各區平米肆萬壹千肆百伍拾玖石貳斗陸合壹勺該折銀貳萬柒百貳拾玖兩陸錢叁厘伍絲餘該驗派本折平米壹拾捌萬陸千陸

青浦縣志

卷二十 雜記

補遺

三十四

百叁拾壹石叁斗壹升柒合捌勺肆抄肆撮柒圭伍粟時以改折伍錢太重羣議譁然故稍減兵銀以爲永計又三十三保二區於萬厯二十一年具告院道比一區例要求改折難復奏請議以一區之三圖五圖改折平米通融分撥二區之二圖七圖各得改折一半餘仍舊

案折糧諸圖於此可見原委刻志將竣覓得卓志畧

錄數條附此

明神宗時均糧之議倡於徐侍御宗魯時巡撫林潤與徐交契到松詢地方疾苦徐出一帖示之曰均糧拙議緣爾時官田民田賦額懸殊而巨室置產非五升糧田不售失業者多田去賦存逃亡四散里甲派賠名曰絕田滋害非小林欲行其議一時阻撓棘手乃上書江陵相國力陳利病江陵復札許以國法懲治議乃得行宿弊盡革

宋府志

逋糧之案起于順治十八年是時巡撫朱國治造欠冊達部
江南紳士一萬三千餘人有欠止分毫者盡行褫革後大司
馬龔鼎孳特疏請寬銷有事出創行過在初犯等語吾邑被
議者有諸嗣郢張有光張淵懿田茂遇杜登春潘玘任鏞陸
景俊高懿念諸人

珠里志參
宋府志

道光二十二年以後縣銷鹽額五千餘引粵匪平後改行票
鹽同治八年仍改行引鹽歲銷鹽三百七十引每月銷三十
引八分三厘三毫二絲四忽每引四百觔

鹽價自嘉慶以至道光日漸騰貴計觔鹽三十三文并觔兩
短缺道光二十年後漸有私販價在二十文左右咸豐時販
者日多價亦日賤自十餘文賤至八九文不等其人類皆江
北及沿海居民強有力者雖婦女亦能肩挑百觔沿街喊賣

青浦縣志

卷二十

雜記

補遺

三十五

其船皆尖小而敝動以數十計接尾而行莫敢查禁民間向
苦官鹽之貴既有私販無不視以爲便而市肆官鹽幾無人
過而問之者然安知非異日滋事卽其人與有心人往往憂

之

青志續
修備采

催徵漕白責任圖保保正一役由縣籤點除紳衿耆老例蒙
優免外擇圖中長厚殷實者爲之逐年更替謂之輪年然長
厚殷實之人畏見官長雇人代充名曰包充圖中有荒墳絕
戶無從徵收春稅秋糧圖保代納謂之圖賠又貧民客戶不
時輸納限錢差費擾累多端而包充之人率皆無業疲民全
家衣食復仰給于此以致經手錢糧恆有侵空往往取償于
圖中田多之戶謂之圩業圩業間有捐田貼費者歲終復計
畝助錢以爲貼役而侵空之弊尚未能免蓋圖保爲賦繁累

而圩業又爲圖保累矣珠里志

明顧正心助役義田青浦里排貼役義田二分共六千八百六十三畝有奇該租米六千八百一十七石有奇又高鄉花豆照例折銀準米該租銀一百四十三兩有奇除納稅糧外餘租聽從輪年承役人收贍差徭又布解一名該給買田銀五百九十五兩一錢五分宋府志

荒年減價糶米其名甚美然在官有穀則可若以此禁民則人人閉糶求減而反增苟苛求積粟之家則奸民生心貽地方之禍矣宋府志

道光三年大水視嘉慶九年增尺許賴滄洲李賢令宗穎及諸紳士妥爲設法各路平糶賑濟兼施雖有流離困苦道路尚少死亡嘉慶九年時民知廉恥術少變通雖設粥廠於包

青浦縣志

卷二十

雜記

補遺

三十六

庵至有食榆皮草根者而此次仍不離乎五穀如市肆所販高粱番芋乾雞豆粟小米之類皆可充飢至於設局勸捐概用米粟並不入城哀多益寡撥運鄰圖絕無漁利侵吞之弊二十九年大水視三年又增五六寸其年平糶發賑仿佛三年惟捐輸則以銀而不以粟弊端百出城中隨處施粥小街僻巷粥擔並行優曇庵留養餓夫同仁堂留養婦孺名曰救生不無致死後於柴草中搜出屍骸當時有坐卧其上而不知者嘻可慨已青志續采 以上田賦

東廡先儒許慎光緒二年從祀 張伯行光緒五年從祀

西廡先儒劉德光緒四年從祀 陸世儀光緒元年從祀

名宦祠學政李聯琇光緒三年增祀

樂器光緒五年製成 編鐘十六 鑄鐘二 編磬十六 特磬二 大成鼓一

應鼓一搏拊二鼗鼓二琴六瑟四排簫二簫六笛六笙六埙
二篴四祝一敔一木笏六籥三十六翟三十六麾二節二春秋
冠八十頂舞衣四十件靴四十雙帶四十圍墊四十個

王給事原文獻私議云鄉賢之祀子孫仕宦素封皆濫舉其
祖若父廁於其中若名德碩彥不獲舉者甚多在他郡邑雖
或有冒濫未有若吾邑叢雜可恥之甚也五十年以來始自
一二縉紳追崇其祖父嗣後富人咸營謀濫入纍纍若若似
非此不足以申其孝思者遂至販夫賤品目不識丁之人皆
攘袂而起摩肩而至爲可痛也蓋祀於鄉者以名德文章政
績節義爲重四者有其一二而後可以議舉若鄉里之善人
不足以言德也風雲月露之文科舉抄撮之業不足以言學
也出仕而但知龍斷腹削持祿養交或鄙穢封殖以肥家者

青浦縣志

卷二十

雜記

補遺

三十七

不足以言政也邂逅死於兵火運蹇終於沈淪修橋造廟隨
例賑施不足以言節言義也今天下高官臚仕任人之擇處
良田廣宅任人之買占利藪名場任人之居奇而此冷淡之
一席又必欲用勢用財以攘據之鬻官清閥之地顧爲藏垢
納汙之區乎吾邑鄉賢自晉迄明應祀典者惟衛涇之名德
曹應符之節義顧英之政績張時泰之文學數人爾其他不
過文章博雅之士自明以降無論已如夏禮張烈之政績張
翰凌巖衛富益杜英發章夢賢章元澤張元澄顧從禮之節
義莊肅朱應祥曹宗儒之文學稽之郡縣學皆不得與焉與
而非賢祇增其辱賢而不與不損其賢也王志凡例參
西亭類稿
雍正以前各縣通考至八年以後奉 旨各歸本籍鄉貫始
定故順康間本縣人入學或在鄰邑并有在鄰省者至是乃

悉在本學 韓張氏家譜序

張廉憲仲謙松談記先達云鄉飲有不可輕與者三請不從公則高節以為恥偶非其類則賢者以為辱酒不成禮則大寶以為慢真名言也 宋府志

國朝壽考作人年豐人瑞邑人徐柔上 乾隆九年 陸佩山 十一年

均以耆民蒙 恩賞八品頂帶其五世同堂有金茂功范國

華 宋府志

文廟於同治四五兩年上下忙詳准徵銀一錢帶收費一十六文六七年上下忙詳准每銀一錢帶收二十四文七年四月奉總督曾札一律停止前後共用錢五萬三千串有奇 附兩

江總督曾札畝捐名目初因軍餉支絀不得已而為之其
實即是加賦而數且過之羣知其為敝政也迨軍務既竣
各州縣又藉善後為詞官紳別無籌畫動輒按畝派捐其
名屢易而其實則同小民終歲勤劬種錢糧而外所餘

青浦縣志

卷二十

雜記

補遺

三十八

無幾何堪復派捐輸本部堂念及此事每為頻願茲據
陰縣詳稱有隨漕每畝帶收錢文為修公然冒不韙之名
費此變易畝捐而隨漕係何時所定何屬所創候飭查
據稱仿照松屬章程而隨漕係何時所定何屬所創候飭查
一體禁止目下捻匪重累前敵各屬不日即可減輕蘇省
善後當易措手不後及重累前敵各屬不日即可減輕蘇省
籌款期諸二三年後仿辦未晚其現在議准之隨漕帶收
經費以及別樣名色仰蘇藩司
嚴飭停止以紓民力仰蘇藩司
即飭該縣并通飭各屬遵照

萬仞宮牆光緒四年大風壞五年知縣馮渭修 以上學校

國初沈巷設把總一員駐劄後兵民小忿相鬩營弁偏袒以

村民聚眾生事移縣竝竄入里中故家子弟時值應試崑山

案發入泮者謝子飛等四名皆移文中人也縣令怒其欺妄

以不能撫輯兵民轉詳撫按由是裁革歸章練塘汛統轄今

鎮中武聖宮即當時營署也 沈巷志

七寶分防廳額設弓兵六名 案門子阜隸馬夫已見解支不錄

七寶汛營房在北鎮西市屋三楹有烟墩三座今廢

陳家村墩在四十五保四區三圖

黃渡志

驛站東至七寶鎮上海界五十四里至上海縣城九十里南至鍾賈山婁縣界二十七里至松江府城四十五里西至同里鎮吳江縣界七十里至吳江縣城八十二里北至葭葭浜鎮崑山縣界三十六里至崑山縣城七十二里

同治七年據江南大營咨

開驛站水陸程途里數

鳳皇山營同治三年到防十三年撤

黃渡營同治十二年到防

青勇局咸豐十一年知縣廖秩瑋邑紳胡履吉設于松江為隨同克復計餉出民捐同治元年七月克復後撤

松江乙酉兵事時以徽人黃金榜守白鶴江聞警先遁

松江詩鈔

青浦縣志

卷二十

雜記

補遺

三十九

鄭成功自鎮江犯金陵湖寇亦乘時竊發吾邑終日練鄉兵鑄戎器警備者四五月後以成功敗走湖寇亦息

珠里志

咸豐十年五月郡城復後東南鄉民團隨把總宦天錫擊富林等處賊竄崧宅村朱漣二十九日賦復南竄添勝莊六月初一日追至上江涇義民在河南賊在河北以橋折落水死者二百餘人

十一年二月二十二日賊竄觀型堂二十三日嘉定賊又自黃渡竄入民團接仗死數十人

同治元年九月官軍大捷四江口時金澤董請撥礮船二十號駐紮該鎮南柵以禦浙賊之竄後移浙界

軍柴向無成例邑自賊踞後提督曾秉忠進剿水營駐泖以柴火為水營要需延董設局泖塔捐辦至克復青城大兵駐

城防守統領太湖水師李朝斌江蘇巡撫李鴻章先後札飭辦送軍柴分濟各營日用兵無樵采之勞民免騷擾之苦法至善也繼進剿兵繁推廣及河西十三圖金澤珠街閣安莊高墟泖澱靈官廟七寶蟠龍東八圖等處未幾水師十營分駐九里湖青屬仍協解吳江軍柴後水師拔隊至浙江三年六月全撤此項捐款首辦戶捐次田捐最後於條銀串內帶收至六年上忙止

同治元年七月克復青浦城設善後總局復分局于高墟沈巷宋家廟等處先辦戶捐共收錢一萬七十七千文繼改辦蕩捐共收錢四千四百三十八千九百九十文繼辦成熟田捐每畝捐錢三百六十文以三百文充餉六十文畱作府縣辦公之需除民欠共收錢四萬四千八百二十七千文是年

青浦縣志

卷二十

雜記

補遺

四十

十二月起放撫卹卽於田捐項下借撥錢一萬串有奇二年十月又設金澤舖捐局三年二月添設珠街閣舖捐局未幾全撤惟浦西水陸釐局設于七寶同治四年十一月起今尚存 以上兵防

崑山縣故城 方輿紀要蕭梁置崑山縣于山北唐天寶置華亭縣始移縣治于馬鞍山

案王志崑山陰一里卽是青邑界故城當屬縣境

聽松石在細林山崇真道院東有石刻聽松兩字乃唐李陽

冰真筆

宋府志

韓隄在北門外高七尺餘闊數尺長二十餘里岸皆沙土性

與他處異相傳宋韓蘄王築

宋府志

韓蘄王旗樁石在舊青浦一在楊林寺前後人倒臥作橋

參黃

渡志

蘆花村在金澤鎮南一里為楊維楨倪瓚游處王昶有詩澤金

八卦亭在方家窰西舊名南楊家莊有九宮八卦地四面皆

水中築土為太極圖形按方位作八卦卦上建亭以橋通之

相傳元楊維楨居址宋府志

知樂園在佘山莫家厓莫如忠別墅 國初其孫之璋重葺

有浮花舫鏡閣諸勝松江詩鈔

寶忍堂在陸皎浦張大綱構王璣有詞

適園在黃渡南鎮范逸有詩乾隆初陸仁軒得之其孫澂復

葺其一隅更名亦園

嘉遜園東涇草堂范超居在范家橋

勸影樓范逸居在華潮浦職思堂默默軒在赤雁浦逸盲廢

青浦縣志

卷二十

雜記
補遺

四十一

後所居

甘泉亭在新江塘陸賓王居

嘯閣 竹窗 涵萬處竝吳廷選居在黃渡南鎮

環翠軒張安輿構在黃渡南鎮皆黃渡志

邁菴在佘山呂仁榮別墅新語

似園在黃渡西南蔣家巷蔣汝枚居有自為小記

漢穎川太守陸閔墓在縣東南五里宋府志云顧志改稱宏以宏閔音同而誤宏績

長子閔乃宏八世祖

晉侍中陸士光墓在縣西北四十四里宋府志

唐黃池縣令朱某墓在海隅鄉孔宅西南雲間志宋府志

浚河得碑云天寶六年葬崑山縣全吳鄉孔子宅之西南蓋天寶六載始立華亭是時孔宅隸崑山全吳鄉也

戴芳墓在洞涇西墓志云府君諱芳娶徐氏子三女二府君温良恭儉讓志惟清雅惟孝惟忠琴酒不

仕春秋六十有三中和三年秋八月廿五日終至季冬之
月初五日之酉窆吳郡東南華亭縣北廿二里去張管墩
五里莞沼鄉城山里進賢村新宅之東南而葬新塋禮也
恐歲月久遠陵谷變移不託時世今乃川覽為記又有銘
錄不

明南安訓導姚鵬墓在三十七保呂蕩廟顧清志銘裔孫蒙
祔

山東萊蕪縣知縣高僕墓在神山前僕字思萱蘇郡顏安里人

副使張昂之墓在佘山昭慶寺東

桂林通判張以誠墓在佘山子霸州知州安磐孫刑部主事

世雍祔

茅家墳在學潭西南相傳為茅尚書墳姓氏時代俱無攷

殉難諸生顧明德墓在四十三保五六圖謝澤關

國朝贈刑部員外郎周時儀墓在三十七保十六圖

青浦縣志

卷二十

雜記

補遺

四十二

分巡嶺東道陸振芬墓在神山

舉人候選中書張澤城墓在鳳皇山

贈文林郎陸祖彬墓在神山子榮程孫愷宗祔

贈修職郎蔡重光墓在金澤子貢生芳教諭英祔

中允黃之雋墓在佘山西址後

贈中憲大夫太學生范纘墓在薛山之麓曾孫高明縣知縣

錫圭祔

大理寺評事張梁墓在泖西上慶圩

贈朝議大夫張澤桂墓在佘山子贈中憲大夫忠仁孫永年

縣教諭孝源南雄府知府孝泉竝祔

國子監學正張澤緒墓在鳳皇山孫孝瓚祔

衛輝府知府王祖晉墓在薛山

典史凡轄城內外全圖一
三五區十二圖鄉屬區九廿四圖
六區十六圖鄉屬區九廿四圖
圖共五
十皆屬五
在城分圖

知縣 新涇司巡檢 典史

張庭蘭 漢蕪臺山人同東 甯希聖 浙江會稽 千福皆 浙江平湖

治辛未進士光緒三年四月任 二緒二年十月任 三年五月任

馮渭 錢少塘監生江 楊祖奇 順天宛平 潘應溥 浙江烏程

光緒四年任 一三三任 月四年七

吳康壽 石友麓增浙監江 方受鈞 浙江嘉興

附生光緒五年八月任 五年九月任

古官 王志云宋元以來青龍有鎮官及學官其姓氏

青龍鎮監鎮 鎮學官將附及 陳回 上海 米芾 元豐

宋孫 揆 賈元 石懷玉 嘉祐 陳回 志據上海 米芾 元豐

青浦縣志 卷二十 雜記 補遺 四十四

任有傳 趙彥啟 嘉定十五年 林鑑 淳祐十一年 任有傳 王

據碑補 趙彥啟 淳祐間任 據王 志 曹附鳳 曹光遠 孫忠謨 李

淇温 革 王以 皆 劉 晏 將建 有 中 鎮 杜可久 有直傳 學

元瞿 智 有教傳 論

青龍司巡檢 元至嘉禾志 華亭 巡檢 司 簿 七 青龍 一

宋王繼贊 呂天鏐 鑄 二 年 任 據 陳 珩 任 咸 淳 八 年

明王文顯 主簿 吳元 年 創 新 涇 咎 璠 河 船 所 大 使 洪 武

孫仲禮 建稅 課 大 使 于 洪 武 七 年 鎮 新 涇 咎 璠 河 船 所 大 使 洪 武

李璜 字玉樹 山東長山人 以歲貢生選教諭 擢邑知縣 在任

三年有慈惠名 因缺庫帑 罷官 畱寓 十載 餘遇赦 得歸 表 註 志

有傳 闕今據 青浦詩傳 補

吾邑循良不少 其見於詞人歌詠者 如田髯淵壽唐瑾云才

是梁園工彩筆時逢陶令泛秋英王西亭贈王允玫云頻出
行田騶從少望迎騎竹笑顏開趙蒙泉贈鮑學沛云百里西
南有樂郊清風披拂到衡茅鳴琴昔忝邾滕近傾蓋今成管
鮑交照縣繁花叨接席連林息羽得安巢往來採取輿人誦
甲乙分編手自鈔張幻花贈王理云兩衙宦况冰壺淨一縣
文風玉尺裁之數人者皆以德政文行稱以贈句觀之則其
治績約略可見

蒲山
房詩話

楊某失其名四川人乾隆時任澱山司巡檢乙亥歲大稜珠
里設賑粥廠楊勸諭富室再三爲民泣請始各出粟鏹相助
民乃不飢

珠里
志

雷國楫字松舟陝西蒲城人入貲爲州判署澱山司巡檢性
好山水能吟咏兼嗜鈔書書吏兩三人硃墨錯互分據硯席

青浦縣志

卷二十

雜記

補遺

四十五

見者疑爲老書生也王昶脩志于萬壽道院國楫過訪縱酒
譚藝至晚不倦昶稱其儻葛

青浦
詩傳

鍾開聲廣東進士由翰林任大理寺少卿直諫有忤謫江蘇
知縣借補諸翟巡檢清正不阿在任八年以廉惠稱

乾隆三
十一年

任相傳補缺時布政司吏索
賂不得因以嘉定巡檢題奏

魏邦魯字春煦湖南人嘉慶二十年署諸翟司循良風雅創
立文社聚鎮士親課之訓子源有義方源官知州同治時祀
高郵名宦

曲文豹山西解州人附生入監任邑典史時粵匪初平居民
鮮少百物昂貴文豹素清貧竟以窮餓卒于任邑人哀之同
仁堂代葬後數年孫某至青負骨歸

沈錫華字問梅浙江富陽人同治元年九月署元江青縣丞

時蘇城未復槍匪土棍滋擾殊甚錫華稟請大憲准以軍法從事捕誅四十餘人一方安靖丞署創自道光時陳之瑩董其役工竣之瑩首任旋陞丹陽知縣去繼之瑩至者吳丙煦在任最久濬市河建同仁堂粵匪之亂練兵籌餉甚勞故練塘獨完善之瑩字書巖安徽阜陽人丙煦亦浙江人歸安籍宋陸垵號盤隱四明人爲華亭主簿嘉定七年夏旱知縣李伯壽命垵躬往澱山龍洞祈雨霧霽三日歲大有秋聞諸朝賜廟額曰會靈復遣垵敬奉于廟以答神貺九年又建公餘風月亭于簿廳後垵能詩與僧居簡相倡和官至府判

案王司寇昶云求雨有應之主簿可謂賢矣而志乘無傳賴碑傳之今持錄補 以上職官

進士

舉人 武舉 附

副貢 歲貢 附

薛鼎銘

乾隆二十年舉人

楊繩祖

乙卯科舉

凌鵬飛

癸酉副貢

青浦縣志

卷三十

雜記

補遺

四十六

八年進士上海籍有傳

人歸安籍居邑城後從珠里

歸安籍居邑城

顧時英

鳳翔子萬

陸典

萬曆十年貢

武舉

朱捷

三月崇禎年貢

陸沈滋

廷葵子康熙科

任鑰

康熙二年貢

舉人崑山人青浦籍

封贈

薦舉

例仕

熊畹蘭

以子其光封戶

姚培謙

平山邑諸

胡有年

廣東補用

部主事成豐

亭雍正初以喪持詔保舉居喪

豐五年到省

陳畧

以子鉞爲贈

不赴乾隆初沈德潛以閉戶讀

州學正

書不達求

以上選舉

明杜時騰字冲之幼穎敏弱冠補舊青浦諸生中嘉靖三十七年鄉試旋擢山東黃縣知縣性嚴介不能迎合上官拂衣

歸卒後黃縣人祀諸名宦青浦詩傳

杜鳴盛字慎軒天啟辛酉副榜鎮江府學訓導值歲飢遇黃冠示以圖山之石粉而蒸之可以療飢遂竭資採石如法以飼餓者全活無算杜氏譜

國朝張振基字克猷諸生性嗜學讀書澱山取西銘正蒙近思錄及薛胡羅氏諸書溯流窮源而力行之旁及醫謂為儒門事親所不廢嘗繪先世二十六代像乞文陳琮作序稱其為儒雅之宗墨稼堂稿參孫原湘張蓉圃傳

宋杜孝嚴原名彥玖從龍孫也官兵部侍郎權尚書工文章有嘉定時青龍鎮學記杜氏譜

國朝袁恆字聖可佘山人端雅真摯善詩與吳騏趙天延相契華亭蔣天錦有懷舊吟謂自成童至垂老無間言松江詩鈔

青浦縣志

卷二十 雜記

補遺

四十七

周益霖字既霑華亭人占邑諸生籍幼即以文名嘗作西湖及九峯三泖賦藝林傳誦晚歲潦倒以終知者惜之松江詩鈔

李雯字舒章逢申子也諸生與陳子龍創幾社子龍深推其才甲申四月逢申死國難雯哀號行乞三四日乃得棺以殮朝夕哭奠餓且病守父棺不去大兵定京師有薦諸睿親王者授宏文院撰文中書一時典冊咸出其手順治乙酉充順天鄉試同考官丙戌請以父喪歸葬明年北上病瘵道卒同上
高宏祚字永建邑人徙居南翔鎮業縫工竭蹶養母其婦偶失姑意斥逐七載母有悔心乃復呼歸舉人諸堂作傳邑令

上其事得 旌青志備采

董家鷹居崧宅村太學生廣東石橋場鹽大使年十六父客京師母金氏病卒郡城舅氏家逾月扶柩歸至便民橋船高

不得過募人踏船正當橋下橋忽圯船碎一童子在橋上墜水死而家麀與樞皆無恙家麀愷悌和厚有君子風年五十

餘思扶樞事輒泫然泣下因自號念橋云

嘉樹山房文集

宋明欽父某緣事徙秦歿於戍所明欽徒跣長往負父骨奉

繼母歸哀慟成疾卒妻蔡氏見完節

王志

夏式之字敬輿珠里人事父鳴鑾惟謹家貧授徒東湛嫺吟

詠與倪倬蔣維淦稱莫逆交子萃好周人急太學生

夏氏譜

許繡白鶴江人與弟綏及從弟志俱以孝弟稱數世不析產

鄉里義之子汝梅亦有行誼能詩

陸元勳號半塘諸生七寶人年十五兄乾勳疾篤自思兄病

不起何以養父割股肉和藥進之兄旋愈同里諸生顧師韓

徐涇諸生趙勳皆以孝友稱師韓早卒勳婦朱恆徹夜紡織

青浦縣志

卷二十

雜記

補遺

四十八

以助甘旨三黨稱之

文童朱模四十九保一四圖人品行端方教授生徒自給同

治元年四月遇賊大石橋諭以大義賊怒持刀刺之死年五

十三

吳鐘被罵殺賊李芳榮被遇殺賊張阿大被擄與賊相搏死城濠

陸師善拒議賊敘八品銜朱玉中遇賊被擄上槍洞胸死

阿輝失其姓集打鳥為業鎗斃數賊

葉遇春被遇害賊張槐榮執賊遇害被陸海泉擊賊力竭投蔣德昌賊遇

殺被張友生上遇賊被刺死

朱鯤被武生擊賊楊三信上遇賊砍死

李方官賊據城被殺

傅玉昆一遇賊被殺

張璠錫

馬賊被擄
深雪中死

楊二倌

遇賊被害
同治元年正月

以上

宋杜九成原名允來字鳳儀縉曾孫官樞密院幹辦棄職歸

隱築室青龍鎮南子姓蕃昌以姓名其村

杜氏譜

沈從言居臨澱湖紹興貳拾捌年二月十六日從言母朱忌

日以田貳伯餘畝捨入澱山寺中永充香火今碑尚存

金石萃編

杜從龍名乾以字行父縉字細三祁國公衍曾孫中詞科官

大理寺丞扈蹕南渡寄居漢城里西霞浦西霞杜氏自此始

從龍紹定五年徐元杰榜進士建炎己酉生至壬辰年已百

有四歲期頤登第人競稱之

杜氏譜參
雲間志

明陳秀居三界址太祖召諸糧長入見秀手足胼胝呼為好

百姓正統間里中建石梁秀方擊鼓集衆適周文襄忱微服

至召秀問曰此處田多荒何也秀答曰田有官有民民田糧

青浦縣志

卷二十

雜記

補遺

四十九

輕官田糧重糧重之民俱遠竄若得減糧額流民可招集矣

文襄頷之令具呈察院奏聞允行減糧實自秀始

郭府志

章維青號東園又號醉石山人正德四年應詔助賑輸粟二

千石旌其尚義賜璽書免徭役焉裔孫文粹崇禎時亦輸粟

賑飢邑宰吳表為奕世義門

章氏譜

國朝李大柱字俊甫監生端方循謹里黨矜式子琳諸生好

古案人柱據采訪云康熙時舉賢良方正考

舉賢良方正
在雍正朝非康熙也當誤不錄

李夢雷字照方諸生存心忠直里有僧巫朋比肆奸夢雷白

於邑令搜捕罪遣一方安靜弟夢電事嗣母盡孝至老不衰

程德原盤龍鎮人少慧有神童名及長務實學里有兄弟二

人者因財不和偶謁德原適德原幼弟患瘡痛甚劇德原以

鍼自刺其股以分弟痛二人曰何自苦答曰至親骨肉痛癢

相關君獨不誦常棣之詩乎二人感泣兄弟如初其孝友動人如此

許賡臣居北門外家素封多義舉建橋修廟皆竭力營造值歲稔鄰比借貸累至數千緡未嘗責負有樊重風券滿櫃至曾孫會薪檢視之鮮識其後嗣悉畀諸火

明齋小識

趙欽號省齋太學生徐涇人乾隆甲戌歲大侵出穀賑飢不足售田百畝按日給發自秋至冬里中賴以舉火者無算歲暮囊傾盡妻彭氏典妝資糴米施粥未幾又罄書絕命詞于壁曰家產我不惜至此難復爲願同餓者死不忍聽啼飢遂自經王昶深悲之子文桂乾隆己卯舉人任來安縣訓導姪鳳翼字雝岡邑庠生道光癸未飢施粥六月全活亦衆金德範字孝思泖濱人時亦仗義賑荒

青浦縣志

卷二十

雜記

補遺

五十

陸見球字夔鳴父開誠由汾湖遷金澤友愛于弟服膺朱用純治家格言恆樂爲子弟道置田五百畝爲義莊以贍族見球勤敏克家賑荒捍海塘葺城垣皆出重資爲倡臨歿命子取約劑悉焚之曰毋留是爲後人口實里人義之

顧廣譽陸君傳及姚

檣志銘

楊國瑞號笏鄉國學生七寶人慷慨豪爽賙貧好客有俠士風粵匪亂時籌辦團練有功

明楊繼善號見華精星家言決事有奇驗自推其年以七十終爲丁丑正月三日果然

金澤志

國朝倪赤文諸生爲時名醫廣陵太守某子病諸醫罔效延赤文診視曰此易治也令置暗室一宵痘發而愈蓋縱蚊吮其毒也又有貴公子病煩懣噤語赤文曰香觸其腦嗅以糞

卽痊治多神效遠近咸稱爲仙屠錦字綱章亦諸生世其父業醫門庭若市方與症稍不愜輒翻閱前人書研思竟夕有得卽遣人至病家索前方改正書於醫案以自責臨終戒其子勿業此

同上

張秋野監生能詩工畫山水竹菊家有詠歸草堂時與吳廷選姚熙二范輩對花引酌酒酬濡筆求畫者皆滿意而去許繼文工山水尤善畫貓勃勃有生氣周易字孟準諸生工畫

梅蘭竹菊及諸菜蔬曲盡其妙

黃渡志參
金澤志

葉周德原名奏諸生財贍氣雄詼諧好辨人莫撓其鋒書宗趙孟頫黃渡羅漢寺有趙楹帖遺其一周德補書之眞贗莫能辨方倬字甫田諸生善詩左手能作小楷歸章字斐成廩貢善擘窠八分程式亦善擘窠及蠅頭篆刻

黃渡志參
金澤志

青浦縣志

卷二十

雜記

補遺

五十一

沈詮字臣表少與陳曉善曉工繆篆鑄竹器爲人物山水詮倣之皆入能品又善鼓琴得前人指法性耿介旣老無子乃依甥錢大昕卒後大昕誌其墓

黃渡志

張綏宗字升來精醫理兼善卜汪桂發字古香丰神瀟灑亦以卜隱周大謨許丕謨均善地理周本姓朱頗能周兩族困

乏

黃渡志參
金澤志

徐適凝鐵工也善繪事傳神畢肖禽魚花卉亦饒天趣

金澤志

俞銳字冠英善卜精六壬不輕爲人占每歲元旦自衍二課先卜一方豐歉後卜一家休咎其卒之歲爲人言我歲行在丑至于八月有凶果應

金澤志

吳家經字敘九先世浙西人業鹺入資授湖南縣丞擢知龍山縣事註誤鑄級優游里中二十年日惟濡毫作書藉以自

遺髻齡時鄰家有度曲者家經信口率和無誤節自是兄弟

四人皆嫺音律

黃渡志

朱費元字懷剛居崧子里道光初歲饑里有鬻婦者費元助

銀完之潛心醫學尤善治瘍著有瘍醫探源論同里陸我嵩

稱之謂足發前人所未發

陸我嵩文稿

壽文熙字協庵諸生工小篆晚精醫理與進士錢誠基深契

贈以句云立品直超梅以上居心常在物之先

顧文虎號西園邑布衣精青烏術與河督麟慶善麟慶目為

老友前有沈翼曾邑諸生亦習形家言頗雄辨

鴻雪因緣圖記沈巷志

王圭字錫嘉蟠龍鎮人少讀書兼習醫屢躋有司試年四十

八補諸生治病不苟有某患臍血每出盈缶歷半年未愈延

圭視之圭曰此未見方書然為衝任腎所關血脉海也當治

青浦縣志

卷二十一

雜記

補遺

五十二

以滋水納氣法五服霍然所治疾多類此孫金蘭號谷香諸生圓壽塘人精究方書明於切脉陸其煥字元坤七匪人醫亦良

韓莢字元少長洲人官禮部尚書謚文懿末第時與金澤黃

瓚交善時主其家

金澤志

徐杏輔字芳來崑山諸生幼有神童之目弱冠授徒黃渡湛

深經術攻苦十年發而為詩得和平中正之旨諸嗣郢陸振

芬時為風騷宗主九峯雅集中得杏輔如眉著目舉座傾倒

著有半村詩草

黃渡志

高士奇字澹人浙江錢塘人來游金澤以筆墨謀食久之無

所合蔡重光識之時已臘杪贈金助行裝士奇以扇酬之後

入都官至吏部尚書

金澤志

王堅字升孟諸生能詩善畫幼隨父舉人焜自崑山寓居黃渡二十年時張詩及從子鵬翀館鎮北與堅舊好堅偕夏時中沈曾豐汪存夜陳兆楨僧蔭天結社聯吟風雅最盛康熙末焜官教諭堅侍養去歸故鄉以嗣子鳴盛貴贈通議大夫

黃渡志

秦倬字天采嘉定人乾隆戊辰進士知雲南江川縣以計典罷其未達時假館南鎮吳氏與羅漢寺僧佛義訂方外交所著有三餘錄資治通鑑備編別有泥蟠日記自序云寓黃渡

時作

黃渡志

陸燿字青來號朗夫吳江人家蘆墟父瓚嘗受業於金澤張璠燿幼時慨然以古人自期父遣從璠學與嘉善蔡以臺同几席璠俱目爲非常之器後燿登乾隆壬申鄉試榜由中書

青浦縣志

卷二十

雜記

補遺

五十二

歷官至湖南巡撫清節冠世以臺亦中乾隆丁丑會狀

金澤志

董祐誠字方立常州府陽湖舉人文詞博麗通歷算輿地之學撰述甚富嘉慶甲戌與兄基誠及張成孫同游青浦期年始去

曹克明徽州人寄居重固神於治痘有南翔鎮某年十六患痘將死牙關閉克明命用松香一觔猪油五觔搗爛塗遍體及旦所塗脫內有蛆無數又理十餘日愈衆驚爲奇凌涵春號竹西湖州歸安人遷居邑城以良醫名 以上人物

案仍依類

傳分又以時代爲次

宋沈妙明青龍人嫁杜國珍天姿質厚幼閑婦道事舅姑盡孝待下以恕國珍好善妙明悉出奩資以助仁聲著閭里卒

年七十有四國珍誌諸壙

壙志與國珍碑同時出土

元朱淑清字道堅承進九世孫文章振孫妻生而聰慧善楷書孝友貞順事姑尤恭謹潔身慕善振孫卒後以憂致疾逾

月卒

擴志今存白鶴江壽峯庵前

國朝俞氏西湛倪其祿妻其祿卒家益貧子倬尚幼氏勤苦撫孤訓倬文行並飭以舉人任長洲縣教諭壽至九十卒倬學署中宋如林修松江府志以俞列完節傳倬撰母事畧謂先君見背時母年五十矣誓將請於當事移入賢淑後松江有沈氏邑拔貢黃祖憲繼妻知書明大義祖憲卒氏年三十六貧甚于倪苦節撫子家麟亦中舉人沈道輯青志備采亦列節孝中同治時勸請旌者紛如沈命子敬謝之人稱其賢

沈氏金澤陸見球妻素慈儉道光己酉水災輸粟千石賑飢

青浦縣志

卷二十

雜記

補遺

五十四

孟秋值七十生辰命子勿舉觴移其金散貧戶且製冬衣施嬰堂以荒後拾養棄兒多也

壽萱集

曹錫珪字采藥自號半涇女史一士女也與妹錫淑錫堃工詩文承家學皆有模範錫珪歸葉承善董雪暉嘗序其詩草謂於夫家又得女中師友誰謂文字知交不在吾輩耶雪暉華亭人撫於葉工書畫後適金山諸生姚廷鑾同時有董夢月亦善詩刑部員外洪女也適毘陵錢名世之子某

松江詩鈔

曰青浦孝女

鴻雪因緣圖記

邵氏汜水知縣堂長女敬承父教許字李廷恩未嫁而寡誓死以守遂衰經歸李時年十有五

朱綬郡君墓誌銘

李氏盛壽彭妻年二十三夫亡奉侍翁姑盡孝盡敬姑病醫

藥罔效氏日夜禱天願以身代並刲左股肉以進姑病得瘳

氏竟歿同治七年

計氏仲生次女守貞不嫁終身孝養父母卒年七十六

朱氏庠生趙勳妻勳性純孝氏奉養無缺其得堂上歡卒年

四十八光緒四年

蔣氏府志稱孝女事費氏字崔某為養媳未婚而夫卒氏誓

方大姑年邱桂金聘妻自幼為養媳未婚而夫卒朱氏

大觀女孝養父黃氏奔庠生倪衡繼聘妻未嫁夫亡陸氏龍潭

法聘妻心法故時女年十七卒志周氏沈應樑妻同治八年

守貞衣服純素抑鬱數年而卒周氏學政童給孝行可風

額王愛姑文姑皆承謨女居青溪橋西愛姑暑識字早喪父

身不孟姑九飲泣廢餐誓不欲生未幾成疾年餘卒

青浦縣志

卷二十 雜記

補遺

五十五

附金氏女國學生陸古爨繼聘妻朱嫁而古爨卒訃至慟哭

明陳氏張士柏妻夫死矢節其夫兄利氏所有與豪徐某計

劫之氏不從徐佯令僕張程攜歸徐有姪婦張出也聞陳哭

聲為之謀送歸其父父訟之令徐賄令令不理時巡按路振

飛泣郡烈婦隨父走訴之諸生為公籲路曰此婦居徐三日

矣恐不得謂之節諸生顧觀生遽前曰然則蘇武在匈奴十

九年將不得謂忠乎巡按語塞而烈婦已自剄路大驚驗之

見其衣盡紉纏束堅緻不可動因捕徐張等置之法見聞

國朝張烈婦監生世寰妻邑人鄒燾女在室以孝聞及歸張

事邁舅十餘年無違禮張故貧負米外出烈婦躬操勞不自

恤夜篝燈課諸子讀書率諸女治女紅己乃稱說古人忠孝

節烈事訓之曰勉旃為人當如是也咸豐十年五月粵賊擾

天馬山鎮烈婦赴水死之事聞諸朝得旌

袁烈婦徐涇趙忻妻殿章女也姑居氏早寡守節忻常出外謀食氏事之謹不貽忻內顧憂賊犯上海抄掠及徐涇氏急伏姑密室自起趨荷池一孩女留室中及門聞哭聲復入抱之去夫姪女和姑者忽衣牽之曰孀安往願從孀語未竟賊突至烈婦擲孩地上挈和姑投池中賊倒戟救之棄戟入于深俱死烈婦年三十三和姑十四云趙烈婦傳昭忠錄列表

馬玉姑一作美姑超羣女事親孝賊至強偏奪刀自刎年十六見表

美蘭陸氏婢也幼失怙恃無賴叔鬻于陸侍陸侃如母陸母病危美蘭奉湯藥不去賊至被偏投河死年十五光緒四年請旌

黃氏文童錢翼岡妻道光三年水災翼岡貧迫自縊氏年二十八誓以身殉親族慰止之矢志耐貧撫二子一女成立咸

青浦縣志

卷二十

雜記

補遺

五十六

豐十一年九月賊至焚掠氏罵賊被害年六十六同治七年旌

張氏金澤倪春山妻本儒軍女聞粵賊之亂平日常以死自

誓咸豐辛酉季冬賊至鎮刀擊鄰門聲甚厲氏倉卒中促夫

潛逃先孳死幼子而後自縊夫歸斂其尸猶凜凜如生見表

戴氏方宗干妻夫故時氏年三十矢節撫孤成立同治壬戌

正月避難川沙遇賊不屈投河死年四十九同治七年旌

朱氏高維恒妻高家橋人維恒被擄氏聞大哭追之不及刺

喉死又馬氏高大鼎妻大鼎維恒族人也氏夫與子皆被擄

亦哭曰吾何依哉執田器追擊賊賊怒殺之昭忠錄補遺傳

徐氏天土女赴水死蔣崑玉妻年十八嫁甫一暮夫亡越九日莫氏

文童薛日升妻翼謀女年二十日升病歿暫不獨生以有遺腹止旋生女曰吾可從夫地矣絕粒卒同治八年旌

吳氏殿揚女文童薛日襄妻年二十七寡無子生一旌方氏趙仁

張氏	氏	汪氏	氏	觀妻	橋賊	金氏	夫妻	害	十	以	元	年	上	青浦縣志	吳氏	氏	被	並	氏	氏	氏	彭氏	和	人	被	姑	卒	宗	趙	
賊嚴	文沈	在監	俱某	沈生	于歇	英吳	陸氏	曹氏	一	上	河死	八	俱	卷二十	屈朱	顧大	害賊	司王	董玉	董玉	祥生	春陸	朱氏	俱在	殺右	陳秀	相距	嶺卒	嶺聘	
赴鳳	尚	安生	妻一	姑三	馬	妻德	職員	源尚	年	俱	並	月	咸	雜記	某妻	妻並	妻三	妻玉	妻玉	妻沈	妻遇	和春	咸右	豐王	南	某氏	纒氏	之	之	
水德	金氏	李土	年不	珠十	屈氏	吳氏	李鶴	王氏	二	咸	吳氏	豐	月	補遺	不	張氏	曹氏	弟蔡	董大	董大	妻惠	妻春	豐王	十	某氏	六月	六月	六月	六月	
死妻	根馬	背環	九屈	一	死胡	死胡	害鶴	存文	三	月	不	屈	初	五十七	張氏	寶張	妻阿	女玉	女玉	妻湯	妻某	妻春	年以	五	不	包	照	閨	閨	閨
遇	妻德	妻德	月被	八	俱心	俱心	祝氏	哲生	月	生	屈	害	妻	五十七	同柏	妻金	妻金	如	如	某	孫最	妻	五	六	被	妻	請	憂	合	合
黃氏	徐氏	村妻	盛淑	貞	年	年	吳	朱氏	遇	吳	陳氏	文	監	五十七	女和	王	觀張	妻坤	陳	陳	媳	妻	俱	六	害	皆	旌	成	光	光
文汪	景監	賊一	年	十	七	六	斷升	官	賊	文	成	立	生	五十七	妻	某氏	妻繼	妻和	妻坤	妻桂	女陸	貞姑	俱	不	妻	周氏	疾	疾	疾	疾
妻炳	瑩生	被年	年	十	月	月	首官	並	通	成	立	張	坤	五十七	女和	王	妻繼	妻和	妻坤	妻桂	女陸	女溶	年	屈	妻	徐	王	王	王	王
吳氏	沈氏	年一	十	月	月	月	而	被	屈	妻	妻	張	葛	五十七	妻	某氏	妻繼	妻和	妻坤	妻桂	女陸	女溶	六	害	張	田	從	從	從	從
涵呂	楊	十避	賊	蘊	被	被	賊	河	被	妻	妻	至	觸	五十七	載朱	程	昌	妻友	妻友	妻金	女陸	孫	月	害	張	水	戴	戴	戴	戴
妻靜	上	四難	至	燁	燒	觀	以	死	河	妻	妻	年	年	五十七	妻錫	以	被	妻友	妻友	妻金	女陸	孫	六	害	張	金	九	九	九	九
陶氏	堂	難	聘	燒	觀	觀	至	至	死	妻	妻	年	年	五十七	上僕	氏	殺	妻友	妻友	妻金	女陸	孫	六	害	張	金	九	九	九	九
文文	妻	唐	時	燒	觀	觀	至	至	死	妻	妻	年	年	五十七	俱婦	程	被	妻友	妻友	妻金	女陸	孫	六	害	張	金	九	九	九	九
銳生	一	屈	年	燒	觀	觀	至	至	死	妻	妻	年	年	五十七	十	上	殺	妻友	妻友	妻金	女陸	孫	六	害	張	金	九	九	九	九
妻張	年	被	年	燒	觀	觀	至	至	死	妻	妻	年	年	五十七	俱婦	程	被	妻友	妻友	妻金	女陸	孫	六	害	張	金	九	九	九	九
陳氏	河	害	年	燒	觀	觀	至	至	死	妻	妻	年	年	五十七	俱婦	程	被	妻友	妻友	妻金	女陸	孫	六	害	張	金	九	九	九	九
掌項	月	錢	一	燒	觀	觀	至	至	死	妻	妻	年	年	五十七	俱婦	程	被	妻友	妻友	妻金	女陸	孫	六	害	張	金	九	九	九	九

時妻並成豐	陸氏	沈萬戴氏	張紀成妻並遇賊被許氏徐福沈
氏孫麟	顧氏	孫玉陳氏	珍妻徐氏
文童趙	閔氏	俞克某氏	不范岐妻並劉氏
張氏	劉某	張氏	倪成孝俱遇賊投水死
氏秦窠妻舉人趙曾顯姊避難紫方氏	氏藤窠妻舉人趙曾顯姊避難紫方氏	氏秦窠妻舉人趙曾顯姊避難紫方氏	氏秦窠妻舉人趙曾顯姊避難紫方氏
氏徐短妻	楊氏	彭寶並徐氏	黃宗某氏
陳小富妻並	裘氏	張才薛氏	附貢生孫朱氏
馬賊被殺	裘氏	張才薛氏	附貢生孫朱氏
俱元年	五月		

龔氏杜世弼妻康熙時人撫孤守節五十年卒年八十八

恩旨建坊旌年莫考 杜氏譜

陸氏儒士諸宏祚妻邠州長武令光燕女夫病籲天請代病旋愈赴選卒于京氏年三十聞訃雉經以救得活撫遺孤貧

青浦縣志

卷二十 雜記

補遺

五十八

不能舉火操益勵戚族共賢之欲上其節於巡撫氏力辭不許年七十九卒學政李題 旌 宋府志

曹氏廩生沈宗敏妻武清知縣子魚女早寡守志教子有法

陶氏 劉世俊妻 年二十一年十二道光二家貧勤紡績奉翁張氏 候選知縣王清

守節妻四十六歲 蔡氏 文童三凌觀六年潮俱同治八年歲寡守 夏氏 元里岑天錫妻二清六歲寡守節三十五年咸豐錢氏 高文童許安宗妻二芳節皆倪氏 俱強得正明妻一堅苦守節許氏 錢修妻二十九年九歲成氏 蔡秋蟾妻二十二九六年袁氏 議敘從九

守節妻十歲 陳氏 儒童守節光輝一妻二十蘇氏 吳煜守節二十四

守節妻十歲 王氏 孫鳳山妻二十三年七歲方氏 陳龍寶妻五十七年薛氏 守節四十三

守節妻四十八歲 王氏 守節四十八歲

守節妻四十八歲 王氏 守節四十八歲

守節妻四十八歲 顧氏 守節三十二歲

光緒四十七年請以旌上 顧氏 守節三十二歲

十歲三守節 陸氏 小潘元妻 二十一年 歲守節 唐氏 監生可生
 謹守婦道 計守節 二十七年 立光緒 五年 一歲 請守節 三月 而寡 年
 朱氏 監生 陳剛 節 二妻 七十 夏氏 夫 故 守節 孤 銓 妻 十 餘 年
 例得邀 旌 請 夏氏 汪 鳳 韶 妻 計 年 三十 八 倪氏 明 縣 元 妻 崇
 陳氏 乏 嗣 旌 請 夏氏 汪 鳳 韶 妻 計 年 三十 八 倪氏 明 縣 元 妻 崇
 節 十六 寡 計 守 周氏 九 歲 夏 計 守 節 妻 四十 年 光 緒 四 年 三 月 十
 政 夏 給 淑 行 貞 風 九 歲 夏 計 守 節 妻 四十 年 光 緒 四 年 三 月 十
 附 額 以 上 未 旌 九 歲 夏 計 守 節 妻 四十 年 光 緒 四 年 三 月 十
 陶氏 寡 生 莊 秋 節 三 妻 四十 年 七 歲 陸氏 庠 生 董 冠 英 節 妻 四十
 年 二 張氏 四 議 敘 寡 從 已 九 節 董 四 十 一 妻 年 二 十
 節 年 四 十 程氏 寡 祥 節 妻 二 十 九 歲 胡氏 沈 榮 宗 守 節 妻 二 十 九
 年 二 張氏 陸 玉 田 妻 二 十 五 歲 黃氏 儒 童 唐 祝 子 成 立 已 守 節 二
 三 十 趙氏 文 童 唐 立 已 守 節 二 十 二 年 周氏 沈 樹 基 妻
 八 年 孤 僅 月 餘 撫 育 成 立 已 守 節 二 十 二 年 周氏 沈 樹 基 妻
 七 年 孤 僅 月 餘 撫 育 成 立 已 守 節 二 十 二 年 周氏 沈 樹 基 妻

青浦縣志

卷二十 雜記

補遺

五十九

節 三 十 夏氏 邑 城 楊 少 卿 妻 節 二 十 五 歲 寡 撫 張氏 盧 九 州
 三 年 寡 現 已 守 節 三 十 一 年 旌 以 胡氏 沈 樹 帆 妻 避 亂 滬
 五 歲 寡 皆 年 已 守 節 三 十 一 年 旌 以 胡氏 沈 樹 帆 妻 避 亂 滬
 上 生 存 皆 年 已 守 節 三 十 一 年 旌 以 胡氏 沈 樹 帆 妻 避 亂 滬
 六 有 賈 客 瞰 其 貧 欲 聘 之 斷 髮 以 誓 返 里 後 積 績 朱氏
 賈 赴 滬 負 夫 骨 歸 葬 撫 子 成 立 已 守 節 三 十 一 年 旌 以 胡氏 沈 樹 帆 妻 避 亂 滬
 曹 庵 村 周 榮 發 妻 二 十 一 年 旌 以 胡氏 沈 樹 帆 妻 避 亂 滬
 一 歲 寡 已 守 節 三 十 一 年 旌 以 胡氏 沈 樹 帆 妻 避 亂 滬
 年 夏氏 贈 從 十 歲 品 已 守 節 三 十 一 年 旌 以 胡氏 沈 樹 帆 妻 避 亂 滬
 十 歲 寡 已 守 節 三 十 一 年 旌 以 胡氏 沈 樹 帆 妻 避 亂 滬
 節 二 十 三 年 守 節 胡氏 吳 南 源 節 妻 二 十 七 歲 寡 撫 張氏 鄒 鳴 岐
 五 歲 寡 撫 姪 存 節 婦 年 例 未 符 待 旌 年

附錄

周氏仁和監生焜女適歸安候選布理問胡爾聰爾聰寄
 居青城氏在室時曾刲股療母已嫁之次年夫病又刲股
 以療夫後夫亡氏撫遺孤三月殤氏為舅姑及夫力謀寃
 宥日以紡織佐薪水教養嗣子至十六歲復殤粵寇陷城

避居鄉困阨益甚患病卒年四十三計守節二十年光緒

三年 旌 以上列女

學易蹊徑 四書說約 俱宋田 四書備覽 成國朝邵 青浦

旌淑錄 同吳家鼎等 澹香齋隸法 楷吳廷 考正金石韻府

篆文鈔 壽松 明畫偶錄 今畫偶錄 俱王 寶樹堂訓言 著張格

放言集 明杜景泉 居阡步 鶴村集 枕石草 浦士國朝

生力士偉 授徒 工詩 澹香詞 陸祖 嘯園詩集 李夢 盤溪草堂

吟稿 程國 舒堂詩稿 二卷 王熊 生 猗潔 嗜詩 七 香月窗吟草

之著 然松書屋詩鈔 顧師 吟香詩詞集 著王楫 燕語樓吟稿 程

齋著 懋齋 蟠龍人 創祭 二知室文集 雪樵吟稿 俱陸見 怡

田建宗 祠同里 稱善 祭 二知室文集 雪樵吟稿 俱陸見 怡

怡軒吟稿 倪用 楫著 字 溟游詩草 詐士 書畫巢詩鈔 著陸激 聊

適居吟草 蘭一卷 著呂 對峰樓詩 組錫 西村詞草 章陸日 望雲居詩

青浦縣志 卷二十 雜記 補遺 六十

稿 四卷 許 脩梅館詩稿 淞江漁篋 俱洪印 東皋草堂集 宗陸

著岱 帽幢詩稿 汪元 瑞著 秀 繡餘集 氏著 程

宋張耒 寄題華亭竹堂詩 誰道 清貧 守冷 相與 遠山 待春 風已 琅

自寒 長伴 鳳鳴 真自 許忽 成龍 去不 終 深 相 與 遠 山 待 春 風 已 琅

蟠知 君何 世無 知己 豈許 是忽 成龍 去不 終 深 相 與 遠 山 待 春 風 已 琅

國朝周郁濱七荒詩 子嘉 慶甲 秧 淚下 暗田 傾無 復認 淹 時 橫 插 易 虛 陳 勞

慮有 征我 較南 將謀 移切 補愁 無地 已 輟 三 呈 勸 淹 時 橫 插 易 虛 陳 勞

鴻那 忍看 雀擾 空倉 愁絕 粒鼠 窺暗 善壁 笑忘 難 教 居 易 臨 澤 畔 九 發

嫌瘦 詩和 陶家 句更 寒寒 命田 荒窺 暗善 壁笑 忘難 教居 易臨 澤畔 九 發

麥輕 花剪 落田 勝更 寒寒 命田 荒窺 暗善 壁笑 忘難 教居 易臨 澤畔 九 發

連無 蛾化 繞書 鏡千 榭家 枉暑 非時 麥不 登善 壁笑 忘難 教居 易臨 澤畔 九 發

間高 鳳寂 妻莫 憎獨 豆 擔春 歸風 有密 霽車 滿十 登善 壁笑 忘難 教居 易臨 澤畔 九 發

長貧 無別 物想 并蕪 夢亦 飢愧 我 蠶 暮 炊 熟 雨 字 陌 有 難 教 居 易 臨 澤 畔 九 發

法典 絲誰 掌買 人艱 覈授 菽奉 庭望 絕 蠶 暮 炊 熟 雨 字 陌 有 難 教 居 易 臨 澤 畔 九 發

深軸 半空 誰掌 買人 艱覈 授菽 奉庭 望絕 蠶 暮 炊 熟 雨 字 陌 有 難 教 居 易 臨 澤 畔 九 發

漫吉 貝荒 蕪草 一馬 頭讓 祭衣 遍望 絕 蠶 暮 炊 熟 雨 字 陌 有 難 教 居 易 臨 澤 畔 九 發

裳織 手愁 綿薄 毀軸 深閨 覓食 難何 日開 芩花 吐玉 再聽 擁

雪挂柴山頭禿已無條又見蒿蘆豆沒晚潮竈并久山煙似
弦彈最苦農家薪比
桂桔棹焚却暗魂消

宋何松年三姑祠記

嘉興郡之良隅有湖以澱山名湖中然

澱之湖其光灑然高遠望天無際使人心目倚山
而寺曰普光護普光之伽藍以主是湖山者曰聖人
嘗求諸傳記則自嬴秦之代邢氏生三女咸幼命俱
其姓家澱湖東地曰精微與二兄咸受夙命處一時
人尤恪守戒焉長曰雲鶴夫二人沅咸曰月華夫
勝境而降聖勅取人其季也少奉戒者名之戒後遂
湖額蓋奉勅取人其季也少奉戒者名之戒後遂
寺幾春秋矣昔濟是所畏夫巨浪滔天驚濤沃日今
蘋藻滋蔓波澄水之往來者安坐無少怖里社之民
秋祭祀之求後倏然一峰擁出感應如皇宋開河伯
人祠山僧密與創亭於巔山事驅馳龍洞徘徊測時
神物出沒樞密臨川鑿劍龜山戰於湖成圖之皆飛
吟詠有龍湧淵人咸見龍龜交戰於湖成圖之皆飛
一吟詠有龍湧淵人咸見龍龜交戰於湖成圖之皆飛
甲子夏大旱有司祈雨乃詣祠致禱並習靈神迹敬仰
以歸甫及縣隨車至甘霖遍足寓雲問習靈神迹敬仰

青浦縣志

卷二十 雜記

補遺

六十一

有日矣開禧丁卯夏六月望予越湖省親以歸是夜將半抵
浪村曰南徐不意雨幾已而若憑藉怒舟遂顛覆予支篙師
依附中頃更去泉襄靈應有如予烏敢混其實哉嘉定戊
辰九月既望記其湖金石萃編沈湖當之似未合其
溪今名柘澤與海鹽之柘湖異萃編以湖東有柘
謂唐中宗避武后諱改普照為普光
女安得奉普光王戒足正傳說之訛
以上藝文

白鶴禪院在白鶴江上江以寺名

梅庵在金澤正朝圩宋時建

道堂庵在三十一保正三圖南宋時建明天啟時重建易名

青蓮庵 黃渡志

萬壽庵在金澤迎祥橋元時建今廢

古祇園在七寶教寺東同治十二年重建西有蓮湧堂元時

趙孟頫楊維禎游詠處同治十一年修

地藏殿在金澤國字圩明時建

積福庵在三十三保五圖明天啟間周賓禮建沈昊初國

朝康熙時修道光六年燬僧靜三募建

大同庵在逢陣墩有謝天祿撰僧田碑記

森森庵在三十三保三圖康熙三十三年僧德宗重建王元

臣有記

海月庵在高墟俗名東庵同治初設義塾於此

附錄

姚庵

在三十一保六圖今廢 毘盧閣 在金澤百婆 慈壽庵

在三十一保正三圖 壽峯庵 在白鶴江鎮東南俗稱鎮

康熙時重建其在四堂 保國庵 在海侯廟庵基乃元章振孫

五保三圖者名三官十一 郎家庵 在田杜

墓今存 雪嶺庵 在三十一圖

青浦縣志

卷二十

雜記

補遺

六十二

唐青龍寺僧善知人之術長慶中鄭朗特謁不與語及放榜

朗首登第翼日重試朗果落後謁僧詰之僧曰前時以君無

名若中第卻不嘉自此當位極人臣後鄭果歷台鉉宋府志

國朝石雲失其名本華胄也善詩削髮泖濱圓楨寺後厭紛

繁構指月庵于安莊修靜三十年不入城市任鏞贈以詩深

歎其高青浦詩傳

德宗字恆達幼祝髮逢陣墩受法于淨斯嗣曹洞宗派道力

精進繼移錫森森庵又主嘉定西隱寺俱佛宇莊嚴僧臘七

十二無疾而終黃渡志

涵虛悟修之徒木訥少文及講經悟澈逾衆師大奇之得傳

衣鉢晚歲卓錫頤浩寺預示入寂期端坐方丈文化去顏如生

金澤志

心建俗姓孫龔家莊農家子也中年後爲僧至吳郡天甯寺
長老見其沈靜優禮之後團松寺庭宵鐙禪誦然松焚身高
誦佛號而逝同上

靜三積福庵僧終身戒行深嚴未嘗殺一蠅蟲以飯施鬼晨
視之無粒顆黃渡志

耀能布金寺僧咸豐辛酉夏四月遇賊不屈被害昭忠錄補遺

陸香序天姿英敏少爲道士讀書日二百行精禹步飛行拷

召之術並善蠅頭書康熙時居金澤鎮金澤志

戴誠賢劄授八品銜襲封知事廳咸豐十年秋七月遇賊不

屈被害昭忠錄補遺

呂貞九小桃源觀女道士邑人康熙時道行與施亮生齊名
及楚游歸行南嶽魏眞君法吳人益重之建觀以奉觀在木

青浦縣志

卷二十

雜記
補遺

六十二

瀆西王昶有齊天樂詞春融堂集 以上寺觀方外

吾鄉南屆鴛湖西直垂虹西北又與陳墓諸湖煙波鈎帶其

中村莊晝靄漁罾釣笛益以遠山倭髻宋元之季畸人隱士

卜築其間揆以壤地蓋隸青浦者居多蒲褐山房詩語

宋兵部侍郎休甯金安節嘗提刑浙江其後萬祿昆弟寓居

漢城里貲雄於鄉人呼爲田里金孝子子安卽田里派也陳府志

志

明初崇尚儉約貽謀子孫內服以松江三梭布爲之毋得用
綾絹今市井小人皆不屑以此製衣而富貴子弟無論矣吾
鄉休養生息較四十年前什不逮一若漫無節制上官往來
猶以富饒視之恐非地方之福也尊鄉賢筆
北方有旱稻稈者白色糯者紫黑色種法大率如種麥治地

畢豫漫一宿然後打潭下子用稻草和水澆之每鋤草一次澆糞水一次至於三卽秀矣張采太倉州志云州地高仰又水利不修若覓得旱稻種給佃人治岡身地苟畝收半石已倍木棉矣農政全書

七匪蟹近較肥美以螯有白毛爲別

山川社稷舊壇在南門外卓志魏志同案陸浩容三筆誌云乾隆五年於南門外天壇基建萬壽塔三年告成其云天似失考當分縣稷山神祇壇也

土穀壇每里一所俱洪武十五年建今皆廢卓志案此卽

已不舉屬祀矣今可考者重固鎮有三十一保在四十五保六併圖一在八圖觀型堂鎮有一所在三十三保七圖方家窰四保四五圖

蕭王廟在元武塘右 英烈侯廟在金山澤正朝圩 楊忠惠侯廟在黃渡迎恩橋旁一在白

中鶴市 景德明王廟在白鶴江鎮今存 俞涇土地祠在重固鎮北 重固土

青浦縣志

卷二十

雜記

補遺

六十四

地祠在福泉山今廢未建 何大明王祠在東沈港乾隆 茅王司土地祠

又在四十保六圖 城山廟在京鳳皇山麓國朝順治四年吳之

霄元時隱居薛七山歿封憲忠明王司管理青邑三十八保二

十五圖二十六七圖語近附會但城山名傳自古此廟猶爲

王氏宗祠在三十一保一區四圖明萬曆十八年王伯貞建

程氏宗祠在蟠龍鎮乾隆時程懋齋建

義冢一在四十五保四區八圖重固同仁堂經理一在三十一

董黃有余峯八詠曰徵君故廬道人遺址講寺竹林塔院午鐘層厓高閣沐堂曉日梅花書屋東山草堂與宋府志不同

宋宣和元年衛涇與提舉趙霖書云澱山一湖廣袤四十里

澤被三郡數十年來湖圍爲田大半豪右之家旱則獨據上

流沿湖之田無所灌溉水則無所通泄沿湖被淹民田無慮數千頃反爲不耕之地淳熙間開掘山門溜五千餘畝八年間小有水旱果不爲災今春復有頑民毀撤禁約石碑公然圍築浙西多仰陂湖之利非他處比前後圍裹陂湖禁戢甚嚴具載令甲某昨陛辭曾詳論此事檢尋得當錄呈也王黃震代答催泄水書云吳地諸水止藉吳淞一江入海水去不速而所藉又在塘浦浦者導諸處之水皆趨吳淞以入海塘者防水不得入民田必使由浦以入於江塘浦元計一百三十二條浦之濶率二三十丈塘之高率二丈大要使浦高於江江高於海水駕行高處而吳中可以無水災今蕩無隄障水勢散漫與江之入海處適平一雨卽成大浸矣古人合江浙數郡之規模而成之慮及萬世後人求一己田宅之利

青浦縣志

卷二十 雜記

補遺

便而壞之見止一時壞既久則復之甚難於今救急之策惟有告諭田主多發夫工就塍崖漸露處次第修築各於水中自爲隄障卽車水出隄障之外而耕種之王蒲匯塘自道光四年上海道龔某撈淺九年知府王青蓮檄婁上青開濬後十六年上海知縣黃冕籌挑特爲暢達蘇撫林則徐臨工驗收七寶鎮紳士稟准於龍華港內小閘橋永築攔潮大壩以緩潮勢由是流沙少積藉免五年一濬之勞咸豐六年知縣劉郇膏墊欵挑濬同治九年知縣錢寶傳攤派田捐會同婁上開濬並開橫瀝小涑

附江蘇巡撫林批據該四邑紳董稟以該河前此挑旋湮之故皆因挑工甫竣卽將塘口攔潮大壩未開去渾水內灌致積泥沙不一二年仍如平陸此次大壩未啟環請留壩等情查龍華港一通浦江其潮汐灌入河內最易淤塞雖各河本有五年一濬之例而道光八年酌挑之後連遭荒歉未克興工總因經費浩繁集資大爲不易此次

開濬倍見深通若復潮沙往來不久仍然淤廢實堪深惜
據請永留欄潮大壩係為因地制宜有利無害計且蒲
肇新季四河互相貫注可以達吳淞即由吳淞注浦達海西
來之水不至壅遏而更可併力以助吳淞即舟行稍有繞
越亦甚不放以絕其利害輕重自應如所請將華港大
壩常留不權以渾潮此外境民人或異議應由地
方官無偏執

禹功橋

光緒五年商劉鏞創捐僧智能友募建改名迎春橋

安平橋

康樂橋

在七寶鎮

俗稱東西石橋

顧學鍾等建

倉橋

在四十五縣西

綿葛橋

在市鶴江鎮

石橋

跨大盈浦

鄧家橋

在白鶴江口

鳳儀橋

三星橋

跨鳳塘

西屬嘉定界

跨界張家

壽山橋

在柘澤廟南

光緒

萬壽橋

在港

順治年間創為飛糧各鄉富戶頗有廢家者諸翟村西王文
石蟠龍陳瞻甫彈力呈懇當事謂係荒區乞免拖累三十四
保等圖得免逃亡之禍紫隄村志

青邑柴蕩向完熟賦有版荒之名賠累不堪康熙二十年欽

青浦縣志

卷二十 雜記

補遺

六十六

奉 諭旨豁免漕銀自六年後起科其蕩聽民認陞認墾即
為業戶不許豪強阻撓又深慮日後完賦艱難故認陞者或
二畝折一或三畝折一認墾者八分起科二分聽民開溝築
岸至六折草蕩則皆賴徐德孚之力成此美事蓋六折版荒
五升科出額皆由 恩詔而推廣及之也容三筆誌

乾隆元年八月奉 上諭崑山新陽兩縣田有下產而供上
賦者小民輸納維艱着查釐科則裁減浮糧以紓民困該省
有無似此者應令一併具題青邑於二年六月勘造冊結詳
報福泉併縣後八年秋始具呈至九年八月勘造上達由是
折則有二十五圖共減田一百十三頃二分四釐七毫同上
三十一保地不甚宜稻種棉居多民困於所輸中戶以下有
積歲不納官物者雍正元年清釐錢糧惟二區二圖糧里陶

舜欽升合無短虧知縣吳宏助手書東區良善額給之以爲
獎勵然終無踴躍者九邑令下車恒目此爲難治嘉道間每
歲官吏下鄉親催桁楊鞭撻所在騷然近歲馴民漸知畏法
但未能痛洗前習表而率之是所望於士大夫家也

黃渡志

青龍學蓋由塾改爲學者句章黃玠有題贈瞿慧夫教諭詩
又有後序云吾聞青龍吳淞大江出其旁地氣清淑必多秀
民知讀書向義願爲弟子員待慧夫之來唯恐後者慧夫往
焉絃歌之聲聞于鎮間他日吾亦往求吾子而樂觀之當時

龍江士風彬雅如此今乃鞠爲茂草殊可感也

王志參蒲褐山房詩話

重游泮水

咸豐五年有附貢生陳燾

烽烟墩

在重固北塘橋東旁有營房一所明防倭時設國朝分白鶴江汛營弁二員管轄嘉慶時廢今基尚存一在重固鎮南通波塘東四區八圖

青浦縣志

卷二十

雜記

補遺

六十七

明末福王延位金陵吳郡降闖諸臣家被民抄掠殆盡豪奴
借勢紛起嘉定上海之間有顧六爲首聚黨千人各縛主戮
辱南翔李氏諸翟沈氏其被害之尤慘者各鄉鎮集衆捍境
黃渡於二地爲鄰尤戒嚴會兵道程岫巡撫祁彪佳遣兵捕
勦斬顧六等數人亂稍止

黃渡志

鮑千戶輯五史忠正可法標校乙酉六月至珠里縷述史公
忠肝義胆時陳黃門子龍亦至與陸文孫輩飲酒共謀起義
七月黃蜚帥舟師退屯澱湖吳志葵舟師退屯泖上鎮商以
客兵在外釀金犒師吳獨不受八月大兵過鎮聲如沸輯五
率家丁募鄉人嚴列放生橋鎮賴以安

珠里志

黃巢十八洞在余山

相傳巢亂時避兵者鑿穴以居今多崩壞間存甃磚國朝陳瓏有詩卓志

參韻雅
草堂集

徐文貞別業有三一在蓮社菴東一在坐字圩一在郎家灣

今皆廢

金澤志

馮御史別墅在金澤國字圩明馮恩築今廢俗稱馮家地上

同

十友樓王心故宅在沈巷鎮

述善堂在沈巷興善里陸元炳故居孫張湘復構澂齋

雙美墩在崧塘

昔有兩烈女沈水死里人合葬于此陸企照有詩弔之

楊將軍墓在四十三保三區十五圖南致圩有兩墓西墓前

有華表有碑東墓前亦有碑字跡俱無存

小蒸巡檢司

在縣西南三十六里明洪武七年設三十二年建廨宇卓志載舊署中萬厯時已廢今據補

縣丞 澗山司巡檢

方國龍

康熙十八年任據沈戴昌年浙江嘉善附監生

有李鴻署名是亦十八年縣丞也王志表列雍正時

青浦縣志

卷二十

雜記

補遺

六十八

似誤當改正

舉人

武舉附

副貢

蔡英

培元雍正甲辰官湯溪教諭浙籍後改籍

王裕昌

光緒五年己卯科

青浦

陳鑑

其言與英同科舉人秀水籍

王化隆

曹步青

俱光緒五年己卯科舉人

例仕 雜途

張仁培

庠生後改名仁宇寄大興籍捐從九

張奉錫

游豫寄籍考取吏員

品署山西保德州吏目

張曦錫

闕里奎文籍

萬厯丙午唐文恪大魁天下而青浦顧振宇鳳翔登武進士

榜第一有司欲建文武狀元坊文恪公辭之是歲杜孺懷時

騰以石埭掌教與子宗彝孫士全同試禮闈時稱盛事

郭府志

徐文貞公年二十一嘉靖癸未探花及第壽八十一及見後

癸未進士陸文定公嘉靖辛丑會元壽九十七及見後辛丑

進士

峯柳毓
秀編

晉陸機初入洛次河南入偃師時陰晦望道左若有民居因
投宿見一少年神姿端遠置易投壺與機言論妙得元微心
服其能無酬抗既曉便去脫驂逆旅逆旅嫗曰此東十數里
無村落有山陽王家冢耳機往視之空野蕤雲拱木蔽日方
知昨所遇者信王弼也

異苑

吾邑曹氏有三支一在元延祐年間居鹹魚港僧正印眾福
院記所謂宣慰曹公及其子提舉日照是也一在明天順年
間居廣富林曹時和時中時信三兄弟是也一亦在元時居

青浦縣志

卷二十

雜記

補遺

六十九

小蒸則曹應符知白及其孫永曾孫炳是也三家皆雄於貲
各以田園第宅稱至於風流文采宣慰提舉無聞焉定菴之
後迄今亦蔑有傳者唯小蒸一支士食舊德農服先疇時有
人起而繼之雖園館久蕪而青衿絃誦閱四百年如故洵爲

衣冠盛事

蒲褐山
房詩話

王洪洲圻家訓云子孫才分有限無如之何然不可不使讀
書貧則訓蒙以給衣食但書種不絕足矣若能布衣草履以
事農圃足迹不至城市大是佳事關中村落有鄭魏公莊諸
孫皆爲農張浮邱過之題詩云童兒不識字耕鑿魏公莊夫
仕宦豈能常哉不仕則農業可安也不可近於衣食爲市井

衙門之事

宋府志

李忠節待問陸景俊甥也修軀偉貌鬚眉如戟一日過陸氏

羣惠堂時村鄰六七家皆染疫癘病者聞羣鬼竊竊語曰忠臣來矣當亟去明日病者皆霍然孫烈愍士美嘗讀書坐花菴中夜有鬼相謂曰此異日忠臣也不可犯蓋忠義之氣養之有素故能動鬼神

珠里志青浦詩傳

潘衷暘崑山籍副貢曾祖漢高祖珊皆以諸生舉鄉飲賓衷暘克承先業講學不倦

潘氏家譜案珊漢鄉飲賓之舉計其時當在未建縣時而上海志不載

姑附於此

曹喬鳴之遷為十友樓中之一其卒也王心哭之以詩云羞借長揚霑雨露笑支短策傲煙霞又痛哭曾燒頭上巾孤情自譜號遺民則似鼎革後避地來者棄舉子服隱然以陶元

亮鄭所南自比也

沈巷志

沈文恪荃末第時讀書福田菴夜夢一人謂之曰汝功名問

青浦縣志

卷二十

雜記

補遺

七十

女子晨起憶昨夢不解所謂笑置之時北溪梅花方盛友人招往探梅春風料峭頗有寒色出門鄰嫗方汲問所往告以故嫗笑曰一寒至此欲作探花郎耶文恪聞言心竊喜是年

中式明年殿試以第三人及第果符所夢

沈巷志

胡恪靖寶琮十五歲時庭前牡丹盛開贈公命賦詩以答花貺即成一律以獻曰春寒收盡蘊香腴特坼仙苞舞六銖莫大文章王氣象全滋雨露帝工夫旁求莫惜千金買珍重應須百寶扶桃李徧栽皆退聽日輪獨映鳳凰雛贈公曰未免張大然頗有器局此雖少時所作已可見根器天生恪靖謂作詩可看柳毅傳如電目血舌朱鱗火鬣是悲壯中有一人

自然蛾眉為風華

漱芳齋詩話

胡徵君鳴玉與沈文愨德潛同徵賦詩贈答遂成知己嘗集

唐人句贈之云漢南詩老猶存社魯國諸生半在門文慙每有書出必寄徵君考證詳定文慙心折又有贈句云周旋爾我忘形久閱歷年華八十三惜徵君詩稿多佚其刻于邵玘懷舊集者僅應酬近體疊韻之作

王志參松江詩鈔

吳宜士莪豪邁好施其尊重師傅爲近時所無以子酉亭大勳貴得膺封誥乾隆五十年循聖祖舊典舉行千叟宴禮吳與四品列蒙恩賜詩章暨如意鳩杖等其數十事敬奉以歸又三年終壽八十有五

明齋小識

歛人王兆五幼失怙恃撫於戚屬程升昭家嘗隨諸童蕩舟爲戲程訶之由此痛自刻責弱冠時積三四十金人勸之娶不應有妹鬻於人贖歸具粧資嫁之又數年復積數十金往江西贛州尋其祖骸骨知爲諸父所厝仍返青邑葬父于天

青浦縣志

卷二十

雜記

補遺

七十一

馬山八土三尺許得玉馬一雕琢精巧兆五未嘗學問而孝友性成如此玉馬之昇天殆有以啟其後耶

王志

王述菴昶省親旋里不事文飾至郡肩輿過外館驛逢某典史到任乃停輿而讓騶從呼之出繼加呵譙王爲徐徐步下花翎燦然典史大恐蒲伏街上俟王安坐而去後讀禮家居赴蘇候巡撫隨無廝僕令輿夫投刺輿夫不肯因自赴號房撫軍請會及出而輿夫逃卽步回

明齋小識

熊農部其光云九人居心本善而反得毀可以免禍居心本惡而反得譽足以折福

杜啟勳字公懋貨布於珠里曾拾遺金停舟待遺者至詢數相符卽還之不告姓名而歸啟勳居杜浦塘珠里張樹範字洪九亦有遺客遺五十金事樹範本七匪人

杜氏譜參袁斯熊記

朱佛音徐涇人業農以多力聞能舉千鈞生平不好鬪嘗有人欲與之角力佛音謂之曰爾胡然凡事以藏爲貴吾有力不敢試也士人服其言

閨閣詩亦有淵源曹黃門一士張行人梁鈞善詩曹公女采繁秋夜云破夢砧聲敲落月喚愁蛩語咽殘更張公女職思落葉云詩思飄零三徑雨別情撩亂半窗風洵克承家學也

王志

董氏國學生朱大樾妻工書數知大義夫故時氏年三十有三事翁姑訓孤子皆以禮乾隆二十七年開濬吳淞江氏助工銀一百兩知府李源獎以彤幃好義額李氏顧振寰妻年逾三十寡矢節樂善道光三年助賑知縣李宗穎獎以閨清尚義額

青浦縣志

卷二十

雜記

補遺

七十二

菊潭吟草鑷工陳文著文居城南隅詩爲荆溪任禮堂安上點定陳畹湯顯業跋甲申歲菊潭之婦虞氏賃陳瓏家瓏爲題其遺稿比之蕭芷厓詩胡玉如良甫

韻雅草堂詩集

藏蟻蕩在金澤鎮東南三里朱應祥有詩風細潮平酒力微坐深涼沁薄羅衣棹聲忽度蘆花渚應有漁翁罷釣歸

松風餘韻

乾隆辛未沈文愨甄錄王述菴鳳喙吳企晉錢曉徵趙升之曹來殷黃芳亭詩爲吳中七子詩選後流傳日本大學頭默眞迦見而嗜之附書番舶上沈公每人寄憶一詩寄述菴云新吟兩卷重麻沙海雨江風入齒牙洵有詩書歸典則偶將煙月鬪芳華人如句曲陶宏景詞比新宮蔡少霞我欲據梧

同詠嘯滄溟何處覓靈槎

春融堂集年譜

蔣筠溪兆桂性方雅久客吳門嘗拒奔女其歿也陳興宗作

斷句哭之其一云行雨行雲夢有無黃昏香燼一燈孤任他
笑說髯如戟只合冰心貯玉壺

珠里志

來安武韻清以進士宰吾邑風雅多才亦循良吏也後以虧
帑謫去其姪友蕃有集唐七律百首青溪感事云卻到山陽
事事非呂公榮達子陵歸碧窗月落琴聲斷水閣寒多酒力
微昔日繁華今日恨早年生計近年違此時不敢分明道雪
裏題詩淚滿衣靈園病中云湘寺閒居亦半年王孫誰肯一
相憐野人多病門長掩遠客辭家月再圓自嘆馬卿常帶疾
却思平子賦歸田枕欹獨聽殘春雨愁極兼無買酒錢讀之
令人黯然

何古心其超與陳醕甫淵泰倪冀野駿煦王少逸紹基爲柳
峯四友咸豐戊午同醕甫春游卽事詩云爲訪迂倪過玉屏

青浦縣志

卷二十

雜記

補遺

七十二

雲鬢屋後五峯青

自註冀野居薛山山上有五峯

空庭長日攤書倦幽鳥聲

圓隔竹聽少日論交老更親九峯容得幾閒身他年倘踐商

山約柳上還招結網人

自註少逸編詩爲結網吟卷藏齋詩鈔

鴈足鐙盤下歛云建昭三年考工工輔爲內者造銅鴈足鐙
重三斤八兩護建佐博嗇夫福椽光主右丞宮令相省中宮
內者第五故家脣旁云今陽平家畫一至三陽朔元年賜足
下云後大廚凡六十一字藏王述菴昶家是鐙造于建昭賜
于陽朔一器之中有西漢文二焉重可寶也

兩漢金石記

褚遂良桃硯爲薛葦塘鼎銘所藏乾隆甲申開吳淞得之長
三寸廣二寸餘石質堅緻紅絲爛然面鑄桃一枝上集一鳥
後空其腹背陰有銘曰集彼桃林飛於翰苑吾

下缺二字

之硯端

以綿子孫之永傳後署貞觀五年褚遂良七字

韻雅草堂詩集

白石洞天硯長六寸廣半之質爲澄泥上銳下豐作風字式
注水處甚凹背似瓦形中鐫行書白石洞天藏五字下有方
印篆堯章二字陳琮得之瓏爲賦詩同上

坍石橋不知始何名左跨三十五保二區一圖右跨三十圖
石上刊有大元國浙西道松江府華亭縣三十五保居住奉
佛信士張士彪字子文同妻許氏妙清戈氏妙淨男大明大
昕女淑賢婿徐疇媳婦馬氏淑柔小女觀奴阿奴孫男劉壽
甥女宣奴與陸氏家眷等發心施財一力建造用給衆緣上
答四恩三宥報薦考奏差張公妣媽媽陳氏生居樂土財保
身安壽永福長災二字模糊消宅門光顯眷愛團圓吉祥駐集者
歲次丁丑至元三年十一月十三日吉辰謹題郁春山書此案此

與灑山沈氏捨田疏同
爲宋元遺跡今附此

青浦縣志

卷二十 雜記

補遺

二陸綾錦墩碑像舊藏青谿錢氏與嘉靖時陸氏裔孫重刊
半身像同嵌華亭縣南節孝祠之右今移三賢祠中其碑爲
二陸立像上刊士龍士衡四字後云二陸家本雲間遺像罕
見至正末郡人曹慶孫求張渥寫圖勒石後歸綾錦墩野人
錢全袞全袞恐湮沒送置府庠祠內以傳不朽洪武辛未三
月教授某某訓導王彥文誌字跡略有模糊然尚可辨王志
首善書院碑近今罕見明葉文忠撰文呂工部克孝集李北
海書書之董文敏書丹朱檢討彝尊以爲董書殆傳聞之誤
沈宏濟楫謂當在雲麾將軍岳麓寺碑之上沈學士荃跋云
前明自萬曆三十年以後時事日非璫燄方熾賴東林諸君
子獨能昌言以遏異說颺舉響應而其時枋政諸大臣皆以
清德望重力持公論惟福清葉文忠公在位最久名更重勢

更極公不亢不隨日與諸賢講學明道修其本以勝之以故
終文忠之在位仆而不僵潰而復奮迨文忠去而清流之禍
始亟矣國亦隨之悲哉首善書院公所建與東林諸君子講
學明道之所也碑爲文忠手撰其勒石則吾郡工部呂公所
集唐李北海墨蹟碑成僅搨十三紙隨毀於璫迄今七十年
矣老成彫謝世無復有知之者歲己未 天子命詞臣纂修
前史是非論定文忠公相業與東林諸君子風節始燦然大
著於天下而工部之孫珮乃出其家藏碑文一紙命其子伸
走京師將重勒以垂之不朽余悲文忠公之不獲竟其志嘉
工部之子孫能衍其手澤而相引於勿替也於是乎書工部
名克孝字公原葉文忠丁酉典試南畿所拔第一人康熙癸
亥二月 志宋府 以上遺事

青浦縣志

卷二十

雜記

補遺

七十五

山川

是編不獨紀載地理位置而名人
題詠亦附注用裨騷雅之助

城池

工由創始未號堅深
尚有竣於來者

寺觀

前代古額入民好淫祀良可覘已
多不能盡公墓匪止息亦以辨分

冢墓

周禮冢人掌公墓之形勢匪止息亦以辨分
析兆域圖形勢匪止息亦以辨分

官師表

今青浦未建官師具載華上志
今青浦未建官師具載華上志

科目表

制科備矣列其編民而發身他貫隣籍而奮迹青
與甲乙並列其編民而發身他貫隣籍而奮迹青

庠者例
得並書

烟墩

前代設此聯絡境內皆以防倭
警今即存者書之備復也

水利下

浦港涇塘坐落已詳其歷代治績各有次
第緩急并系之左以俟盡力溝洫者采焉

藝文

遷史闕藝文志案此云目而七八兩卷惟載附後庶
令有所考信志班氏補成之今其例爲目附後庶

文獨闕書
目似未符

右小序九則據卓志補時提調者李官

署知縣華亭
教諭有跋

校正

者陳文龍

序有

楊廷芳及史明良

訓華亭導

同校庠生張儁晉嘉

猷雷鳴春陳邦道張鳳翥黃銓黃廷鵠王元瑞高秉璣高

宏祚也陳序李跋漫漶不全徐何二人已載卷末俱不錄

又卓志有圖四

縣境縣治及學宮與城各一

魏志謂前志未及圖形似

失考

以上舊序

得卓志時刻事將畢爰錄附於此